



113
951
3



門 413
號 951
卷 8

北詩鈔七言古一

陽湖 趙翼 雲崧

大正十五年二月
花房仙氏寄贈

世間萬事無不有奇形乃見支離叟眼無縫頤有紐胸
怒蛙頸瘦狗足一腿手半肘傑然一身叢百醜市頭坐
乞錢人呼才不全天生是使獨彼亦不知所以然我讀
山海經人生初本無定形或蛇身牛首或三臂獨肱臍
為口無舌乳為目無睛天公見之不好看逐件端相細
改換譬如塑佛欲成滿月面鼻大減幾分口小拓幾線
自從鑄就人樣子化工能事始畢矣聽他夫妻父子依

樣畫葫蘆大概不出範圍裏何哉爾獨缺不完縮長凸
短雙必單得非女媧搏土未定稿千年拋落荒山道爾
托生時不暇擇負之出胎太草草獨眼龍稱豪英豁鼻
馬為公卿瞎兒一淚亦大貴鑿齒半人且得各爾則手
不能持足不能行同在覆載內天柱地枯過此生噫噫
乎謂出自天意生之胡令痼疾廢謂是惡所招受形時
豈即召戾將無輪回果報信有之今生苦是前生致不
覺對之為悲涕願天生好人願人行好事

奇恣乃爾千古
絕作故

青山莊歌

毘陵城北皆平地何許林巒疊層翠路人說是青山莊
門帖新題官賣字我來出郭偶經行欵戶曾無主出迎
繡闥雕甍空尚在殘山剩水不勝情頭白園丁老扶病
為余縷述資談柄園是前朝貴介為依稀記得延陵姓
後屬安昌相國孫廿年行樂尤繁盛相國勲名在廟廊
清貧未有午橋莊令孫繼起為方伯分陝曾裁召伯棠
罷官歸徙常州住百畝林廡供散步入門便陋舊規樞
大笑前人太寒素已編錢埒買堂成拚倒金籬將地布
不覺松杉也改觀何曾臺榭還如故繚垣甃異枳編籬
砥室築臨花夾路十馬馳毬闕作場百牛拖石排依樹
粉本溪山似幃懸壁衣藩溷皆紗護一重一掩景廻環

某水某邱途錯互倚杖疑探栗里幽汎舟訝入桃源誤
勝賞經年興不殘四時花鳥暢游觀清音警露鳴仙鶴
浩態嬌春豔牡丹西府海棠移卸砌上林盧橘植雕闌
跳波魚婢能知樂挂檻鸚哥解勸餐園林成後教歌舞
子弟兩班工按譜法曲猶傳菊部爭新腔催打花奴鼓
反腰貼地骨玲瓏擎掌迎風身媚嫵阿誰棋墅伴壺觴
綈几羅幙樂未央幸舍賓朋珠履貴便房姬妾翠鈿香
傾城妓入籠鶯館要路官登射鴨堂熟客倚冰終日計
乞兒向火一羣忙主人自顧矜豪放揮霍不將錢籠障
博局籌償舊帑錢纏頭錦出新花樣茶經蟹眼淬棋槍
食品猩脣調醞醬蠟淚成堆更熱膏酒漉卧壁仍傾釀
笙歌酣倚賞花亭燈火醉歸邀月舫自製當筵上壽詞
青山與我長無恙豈知卮漏比泉流猗頓潛懷折閱憂
已失又思求塞馬未蹊輒欲奪田牛豪名本足招人妒
禍事真成與鬼謀張樂正期投轄飲叩門忽報檻車收
填尸園土悲黃犬回首歡場付爽鳩春夢一場那可再
祇今惟有青山在青山也要屬他人官價三千聽人貸
猶憶倉皇對簿趨難憑複壁寄銷鉢委地圖籤爭剔玉
隨身衣履敢留珠翻教百口求春賃那有千金賄獄輪
籍到平泉花木簿林霏亦似淚模糊平生在使錢如水

此日人情薄於紙。有誰賡柳路旁迎。并少綠珠樓下死。
老僕如今也入官。仍充園戶守荒寒。飢窮全仗遊園客。
給一文錢一度看。往日監門梁肉厭。近時失路斗升難。
我聞此語心根觸。信有興衰如轉轂。重向林巒曲折尋。
繁華彷彿留人日。垂楊影裏釣堪垂。秋樹根邊書可讀。
愛山我乏買山資。有山渠少看山福。空餘別廟祀花神。
自塑泥身占巖谷。畫寢香消落燕泥。空堂氣冷飛蝙蝠。
平津廡庫古曾悲。華屋山邱今莫哭。梓澤風流昔未經。
踏春偶到訪池亭。無端一段園丁話。說到傷心不忍聽。
日暮歸途同望處。夕陽猶照晚山青。

極似梅村彷彿長慶體而稍麗過之故

題關典史祠

傳芭伐鼓判羊豕。前代孤臣今代祀。不讐枯骨國法
寬。不忘忠魂民意美。是時王師下金陵。大江以南望
風迎。小朝廷已被俘去爲誰保。此彈丸城國亡援絕獨
拒守。作計雖謬心則貞。姓名已入點鬼簿。滿城皆鬼作
鬼兵。以鬼易人。一當一人。則怕死鬼怕生。梯衝環攻百
道禦。積屍高與雉堞平。縛芻爲人夜取箭。絕絙出卒霧
斫營。軍久絕糧。鼯鼠掘土不解甲。蟻蝨生相持。八寸有
一日。一日中有千輪。羸君山礮聲沸江水。鐵騎平明滿
街市。短兵巷戰血尺深。袒臂一呼仆者起。力盡俱甘駢

首戮至今白骨填荆杞。嗚呼明季雖多殉節臣。乙酉之變殊少人。將帥降旛蚤豎壘。公卿歛表先趨塵。高門王謝獻城亟。盛名巢由拜路頻。何哉節烈奇男子。乃出區區一典史。

刻擊處何止入木三寸保泰

响樓碑歌

滿堂蝌斗何蜿蜒。砉然鴻濛落我前。十指欲捫不敢近。中有神聖千萬年。伊昔昏墊五行汨。龍漢餘劫留水厄。人命慘填魚腹枵。民居爭結鳥巢窄。黃熊九載績弗效。聖子起任平成責。齋夔感夢蒼水使。告以宛委貯金策。肅刑白馬啓石函。玉字銀編妙尋繹。遂乘山櫟跨泥橈。分醜泮洞闢壅。隔塗山弗顧。子泣呱。幪幪并愁妻。見嚇亥章奉令繭。跟踵支祁就縛鎖。骨豁山河兩戒次第清。萬古坤輿奠祗席。功成勒銘告歲事。响樓山尖斲貞石。文括山海岳。瀆經字挾沮。訥倉頡。蹟堯碑。舜碣不可見。世間點畫此最昔。開天古篆形模奇。難與後人較波磔。想見摩崖作孽窠。六丁下照火光赤。我聞此碑久失稽。道人偶見旋復迷。杜陵所觀已贗本。肥而失真燭若犀。昌黎親到猿猴窟。千叟萬索無端倪。此刻何時出磨洗。使我創睹驚且喜。得非鍊石充逸少。或者朱繇貌道子。目無兩兩雙明瞳。真假誰能定片紙。我重聖德垂寰瀛。

珍之不啻尺璧瑩。洪荒秀樞數字外。口不能讀心敢輕。
盲翁捫籥但取似。葉公好龍固爲名。况茲筆力自奇古。
不真亦是好手成。貌爲敖卽衣冠氣。如闕氏亦傀儡精。
君不見七十七字長八尺。蛟螭攫拳龜魚擲。頑蟲蝕木。
蛙眼枯。雄雷劈山斧痕裂。鑿椎欲破渾沌竅。鑄鼎直寫。
神姦魄。嶧碑獵鼓空爾奇。縮斯安有此體格。縱輸明堂。
琥璜價也。比宮縣追蠡迹。

戲題魁星像

是何猙獰鬼戴斗。曷鼻魘顏貌粗醜。云是星精主文衡。
藥榜榮名在其手。黃金點目儼方相。牛頭夜叉舞跳跟。
市頭忽逢白日鬼。陣上突出黑面王。似此險怪倘操鑿。
寧免軋苗災。詞章我聞奎爲文昌宿。一十六星光彩秀。
昔時五緯聚此躔。肇啓道學助如畫。不知何年訛爲魁。
奉之不異贍三台。東坡死後作魁宿。道家幻語誰見來。
古人字以象形起。今反就字求形似。遂令點頭朱衣人。
抹粉塗丹作魍魎。毋怪亭林老人笑。科目人皆不識字。

寒夜澄懷園步月

幽人夜吟一燈擁。明眸來窺入窗孔。清景撩人眠不得。
起步空林方買勇。流澌已涸澤腹枵。殘雪未消山背腫。
萬株枯樹無一葉。似鳥畏寒翻去衲。濕衣無聲霜華下。

暗結冰稜磴滑踵此時世人盡酣睡蒙被家家爾裏蝻
清寒只我與嫦娥天上人間兩不槽興來登山發長嘯
喝退浮雲不敢湧林麈亦駭此狂生潛伏深叢盡驚恐
惜無人送半臂來不覺雕仙兩肩聳歸到虛堂清不寐
坐看庭階尚潑豕

清興獨絕德麟

德州南有地名夾馬營查初白詩謂卽宋祖所生
地而以不能克復燕雲致鄉社拋落邊鄙曾不
如漢高之統有燕代詩中有微詞焉按宋紀太
祖生洛陽夾馬營張洪雲谷雜記及孫公談圃
亦云是夾馬營在洛陽此地特名偶同未可牽
合又楊誠齋揮塵錄謂南京應天寺本後唐夾
馬營大中祥符二年以太祖所生地建寺錫名
其說稍岐然宋南京乃今歸德府亦非德州地

也詩以正之

德州城南地如赭河畔有營名夾馬詩人曾賦宋遺墟
謂是發祥丹陵野我聞藝祖生洛陽紅光燭天騰異香
御極歸來謁桑梓舊埋石馬猶舍旁戎服登臺射弧矢
矢所落處昌陵起千秋魂魄依故鄉不比歌風悲沛里
是知生葬皆西京莫向平原覓遺址豈煩雞犬新豐移
肯使樓桑敵境委隔河雖是遠提封其時耶律亦正雄

君不見乾柴入烟讖終驗熱鐵翻餅語竟空病龍臺邊
返車駕拒馬河上棄甲弓關收飛狐復被陷城見鼯蟹
旋罷攻由來燕雲氣尙隔天之所限人無功陳橋戴後
削僭偽已并諸國宅土中封椿庫擬換幽薊志豈一日
忘混同漢高亦未殄冒頓寧遂因此虧英風不揣時勢
輒懸斷毋乃目睫論未公先生登高故能賦懷古情深
動遐慕爭墩偶忘謝公先疑塚幾被曹瞞誤才人往往
好逞才得題不暇攷典故

登金山塔頂放歌

生不能挹浮邱袂拍洪崖肩又不能隨列子御風行冷
然黃塵蹴躡日奔走安得矯首凌雲烟我過金山凡五
度昨歲始一登又逼白日暮不及憑高暢遐顧今朝乃
到浮玉之頂來遊目四矚心爲開寥空飛鳥盡在下青
冥誰掃無纖埃不知上距大羅天邊尙幾里但覺繁星
磊落可摘三兩枚海門東去望不極混茫一氣雪浪堆
此中卽是瀛洲方丈兼蓬萊尻爲車兮神爲馬忽如山
僧出定遊九垓回視憑欄之我但肉胎臨江下瞰復殊
狀塔身如卧江濤上倚逢罡風獵獵吹我落不免竟入
魚腹葬振衣忽長嘯平生空負狂五嶽未遊一遇險心
已惶何以更向蓮花峯頭挽鐵索天台山上度石梁不

見古開士懸崖撒手凌蒼茫。浩歌未終日將夕。閻黎邀我飯香積。半龕夜借蒲團眠。滾滾濤聲撼枕席。脚力已盡興轉雄。題詩驚破蛟鼉宮。聽取天雞鳴。時擬再上要。看五更日出扶桑紅。

漂母祠

淮陰生平一知己。相國鄧侯而已矣。用之則必盡其才。防之則必致其死。何物老嫗偏深沉。能於未遇相賞深。吾哀王孫豈望報。此語早激英雄心。布衣仗劍試軍職。寧但重瞳不相識。將壇未築官連敖。劉季亦無此眼力。何況區區亭長妻。固宜蓐食私鹽羹。客來轅釜似邱嫂。飯後打鐘如閻黎。獨悲淮陰奇才古。無偶始終不脫婦。女手時來漂母憐。釣魚運去娥姁解烹狗。

結處警切

保泰

阜城咏古

驅車曉過阜城路。偶翻逸史徵典故。當年曾出兩偽朝。楚齊先後建國步。張邦昌劉豫皆阜城人見岳珂程史邦昌受册權一時。終迫

羣議未踐阼。六等定罪尙可原。其死乃以宮掖汚豫也。叛奴讐故主公。然牧馬向南渡。未幾被廢遷臨潢。故里在稱御莊舖。地有御莊舖程篁墩詩居人不唾劉郎面猶把亭名號御莊傳聞崇寧全盛時。此

間王氣鬱盤互。詔斷支壘殘地脈。逾年漸覺晦如霧。後來二豎皆不終。或亦幾先敗厥祚。斯言父老今猶傳。我

思其故殊未然。秦皇曾鑿秦淮水。擬洩靈孕髡山川。黃
旗紫蓋翻作讖。六朝割據三百年。拓跋欲厭壺關氣。親
巡上黨盤游吹。豈知高歡來駐旅。一戰遂創霸業偏。金
源亦碎蒙古石。作瓊華島徙置燕。一朝元祖入定鼎。其
島適在禁籞邊。從來王霸關天意。水土安得司其權。得
地若便可僭竊。是謂有地而無天。君看二豎忝高位。國
難不扶反自利。已無天理一綫存。地縱不殘豈成事。我
來時正值昇平。往日妖氛久洗清。但覺桑麻景象好。黃
圖三輔拱神京。

戴琬草根鬪蟀圖

戴嵩畫鬪牛尾不縮。股牧童笑黃筓。畫飛鳥頭足並展。
弋人請乃知體物未甚精。名手往往失其名。何哉此圖
兩蟋蟀。意態都從拘怒出。其一剝疾性命輕。雙股屈鐵
作力勃。陣前聞罵周陽五。單騎突出誓捉生。矯如秋鷹
掣鞬去。落處定有毛血驚。其一蓄勢伏不動。側腦凝眸
伺罅縫。高蹠城孤堅。壁守楊劉渡。險夾寨控偏於靜。若
處女時陰鷲。已具脫兔用。蓼花根下雄二豪。赤身搏戰
無弓刀。一手掌地殺機起。天色慘澹風蕭騷。豈有封侯
到。蟲達為誰博。進爭功。高畫家九朽始一罷。如此寫生
孰方駕。豈曾諦視戲金盆。或半閭堂翫清暇。全神注入

蟲身中不覺。蟲我兩俱化。何異龍眠李伯時。馬腹投胎
情不怕。戴生供奉宣和中。臂肱曾封御筆紅。當時真跡
已難得。何況流傳到今日。鯽魚口裂古絹紋。更非臨自
他人筆。珍藏亟入枕函秘。還恐夜深喧窅宰。

生動警刻吳道子畫所不到

題肅本淳化帖

淳化天子盛文物。愛古墨寶勤搜羅。摹之秘閣棗木板
侍書王著精編摩。世惟此帖刻最古。亦惟此帖刻最多
當時禁本已難得。潭州絳州石各磨。泉汝臨江利州路
後先鈎勒校磔波。紹興又鑄國子監神理漸失招詆訶

何況近代屢傳刻。一佛化作千百魔。譬如畫家寫生法
須見美人描翠蛾。後來人去但留畫。翻從畫裏求娉娥
曷怪形存意態失。甚或新婦變為婆。傀儡索然生氣盡
劣到假面方相儼。此本傳自明肅府憲王跋。尾無洧訛
明祖當日封愛子。錫鎮國寶傳山河。龍膽壺搜碧澥島
鳳喙卮採丹山阿。就中銀錠帖第一。垂之竹矢兌之戈
錦暉繡褫白玉匣。重逾介圭綠緘縞文孫。雅意惠來學
妙選賓友相切磋。磋百四寸四富平石。鉞成肥瘦心手和
中藏筋骨有盤鬱。旁出鋒穎無沓拖。大壑泉奔渴騏驥
新礪劍斫生蛟鼉。古意尙可燈取影。成法未須斧我柯

圖才詩金
較他裝潢碑洞物相去奚啻莛稗禾傳聞平涼昔叛亂
欲作礮石守賊窩有偽官以詭詞對得免迸落荒山坡
始知名蹟良足貴雖非文士亦護呵繫余臨池學故淺
空買石硯研灘哥忽購得此喜過望晴窗一日三摩挲
響搨不辭揩眼暗畫肚時復坦腹幡追摹鏤鏤透側理
展拓筆力書擘窠所嫌腕弱但塗蚓敢詡墨妙堪籠鵝
數典聊爲誌緣起傑句殊愧石鼓歌

食田雞戲作

貧官日咽酸鹹齏忽聞廚頭將割雞亟呼爨婦問特殺
並非羽族鷓鴣乃是一羣腹鳴種縛來輩輩指爪齊
惜哉皮已去青地黃蠅無山稽於焉商食單芼薑淬酒
醯速趁出鏹熱芬烈朶我頓不暇致詰官與私遑問東
行者雄西者雌就中兩股尤瑩潔想因跳躍暢在肢蟬
馨出肉淨無骨雉臆作脯肥不脂有客輟箸前致辭此
豈足供口腹資其類雜虺蚓其性汙草泥有時脹作白
出闊彭亨大似董相臍曾聞長吉食之瘦寧免形如飯
顛杜拾遺我笑謂客不必疑請爲數典語客知嘗攷康
成註蠲氏上供御食始漢時周官蠲氏註云今御所食蛙也并偕羔兔薦宗
廟丞相擅減且被譏粵人更嗜疥滿背相戒勿脫錦襖
披抱竿羹成誇大饗貴過斑鷓玉面狸由來雋味在翹

肖何用猩脣。獾炙熊。躡胸君不見。鼠名家。鹿漬以蜜。蛇
 字茅。鱓別作絲。土筍登盤。卽曲鱸。翅蝦入饌。維螽斯。况
 茲申潔水。樂合濟饒都。尉職所司。輪困雖同。蝦蟇醜孽。
 孕實共鮑魚。滋與其去。聒焚牡。藪何弗。侑飽炊。屢屢如
 客所言。太拘忌。毋乃井蛙之見。陋可嗤。
游戲為文波瀾層出
足現腹筒便保泰

行圍卽景

虎槍

白褂朱纓虎槍客。手執長槍尋白額。長林豐草何處尋。
 幸其出沒有常跡。入山偵視得其處。乃伏叢薄密伺隙。
 數人山後驅虎來。虎亦驚走向藪澤。伏者挺槍當其衝。

人虎此時共一厄。注目槍尖不看虎。但看槍尖一片白。
 知是虎膺非虎脊。舉槍便刺不更擇。虎哮而起死相格。
 人虎空中互跳躑。斯須攢刺虎不支。拘怒實恨洞胸膈。
 獸歸獸獲。唯宮前臊氣薰蒸血。狼籍中涓傳。
 旨催賜金孔雀修翎長。一尺亦有身手遭。虎傷重者肢
 體輕。膚革吁嗟此獸誰不畏。乃獨以虎為職役。職虎遂
 與虎爭命。是徵。國家威令赫。豈徒力過斬蛟勇。實乃
 心比當熊亦以死奉職。不敢辭此意。真堪使赴敵。

相撲

以手相撲名曰布
庫卽古角觚之戲

黃幄高張傳布庫。數十白衣白於鷺。衣纔及尻露。襦襜

千條線縫十層布不持寸鐵以手搏手如鐵般足鐵鑄
班分左右以耦進桓桓勁敵猝相遇未敢輕身便陷堅
各自迴旋健踏步注目審勢曉不交握拳作力筋盡露
伺隙忽爲疊陣衝擣虛又過夾寨固明修暗度詭道攻
聲東擊西多方誤少焉肉薄緊交紐要決雌雄肯相顧
翻身側入若擘鷄拗肩急避似脫兔垂勝或敗弱或強
頃刻利鈍難逆睹忽然得間乘便利拉脇摧胸倏已仆
勝者跪飲酒一卮不勝者愧不敢怒由來角觝古所傳
百戲中獨近戎務技逾蹴毬鍊脚力事異拔河供翫具
國家重此有深意所以習勞裕平素君不見教坊子弟
也隨行經月不陳默相妒

跳駝

趨足者雖
過駝背

明駝身高八九尺人欲騎之駝屈膝是誰捷足矜跳騰
曲踊能向駝身越如丸脫彈決而起如水經搏躍而出
翩然驀過駝背來不著駝毛一毫忽自起至落二丈餘
到地植立仍不蹶老駝不解人何故似騎非騎歇非歇
但見背上雙鳧飄捷於猿猱健於鷗海上漫傳着翅人
軍前已掩拔距卒緣棧定覺履險平攀堞會見先登疾
得非曾住深山中日從劍仙學鍊骨旁觀咋舌咸歎詫
駝背有峯高突兀昔聞超海今超山怪事應補諾臯闕

馳馬

番少年騎馬廿里外聞營中
駝聲疾馳而來先到者為上

生長戎番事畜牧騎射精能擅所獨詐馬筵前獻技來
不賭身強賭馳逐結束鞍轡控鞅絆要使兩足膠馬腹
距營廿里按隊排屹立不動力預蓄忽聞營中礮一聲
齊著先鞭鬪誰速平蕪草淺無纖塵四蹄如風雙耳竹
可憐此人與此馬併作一軀但異肉線蛇迅掣閃電光
餓鴟連叫離弦鏃不及兩刻已到營訕然而止若槁木
賜之斗酒一盃肩下鞍拜受神何肅噫嘻乎戎騎自古
利馳突中國所以每被蹙昔以此技窺邊陲今以此技
效臣僕足知 盛朝德威大鞭撻四裔無不服莫漫誇

他聲控矐正是

廟謨駕馭熟

套駒

兒駒三歲未受羈不知身要為人騎跳梁川谷斃原野
狂嘶憨走如驕兒驅來營前不鞍轡掉尾呼羣共遊戲
旁看馮馬困鞅約自以蕭閒矜得意誰何健者番少年
手持長竿不持鞭竿頭有繩作圈套可以絡馬使就牽
別乘一騎入其隊兒駒見之欲驚潰一竿早繫駒首來
舍所乘馬跨其背可憐此駒那肯繫愕跳而起如人立
如人直立人轉橫人驕而騎勢真急兩足夾無及止鈎

一身簸若箕。前粒左旋右折。上下掀短衣。亂翻露袴褶。握髮伏鬣。何晏然銜勒。早向駒口穿。纜穿便覺氣降伏。弭帖隨人爲轉旋。由來此物供人走。教駝非誇好身手。驟施不嫌令太速。利導貴因性固有。

題新詩新可備 國朝典故

題王摩詰渡水羅漢圖

一僧誕先登彼岸。芒屨未著露兩胛。一僧半渡波沒膝。回視後僧尙隄畔。倒持錫杖來相援。後僧手接若魚貫。凌兢似怕一失足。水作醍醐頂中灌。連尻結股。如蟻行。尺步繩趨不敢亂。臨池瞎馬夜愁蹶。聽冰老狐春懼泮。是何縮流有底急。不待船來葦間喚。我聞釋氏妙變化。寶筏能引迷津斷。乘杯過河駛往還。踏蘆渡江狎滌泮。胡爲此獨憂及溺。帶水拖泥背浹汗。豈因皺面觀河悲。恰似繫腰向井看。應知畫師意匠。剗別契禪真。托豪翰。貌出溪邊老古椎。敬慎不作散人散。恹眉傳是右丞筆。年深絹素已漫漶。既無思陵妙題跋。亦少後邨精論斷。
志雅堂雜抄松江鎮守張萬戶家藏王維渡水僧圖有宋高宗御題又劉後邨集有跋王維渡水羅漢圖此幀俱無或係臨本也丹青真贋那得知。厲揭神情獨可按。空門久已外生死。猶自臨深存畏憚。卽事足悟垂堂戒。絕勝貫休畫羅漢。莫矜寶繪供香嚴。好挂虛齋澄水觀。

哈密瓜

甘瓜來自燉煌西重壘裏壓明駝蹄或長如枕大如斗
 覆棚培土法未稽路遙價貴競珍重綠膚弗忍刮以鏡
 副之猶恐太暴殄截來寸寸成方圭其中應有汁滿腹
 日久暈入紅玉肌甘芬不數文官果清脆欲賽哀家梨
 惜哉到京已冬節切處先愁寶刀折僅堪杯酒佐解醒
 未得巾綈効消熱潤肺雖同咽清露戰牙不免嚼寒雪
 我思此瓜亦熟秋夏期郵籤萬里到乃遲色味幸非香
 荔變節候已等標梅悲李廣本足侯萬戶數奇母乃不
 遇時古來物產可移植曷弗試種當陽陂杜詩陽陂可種瓜君不見
 蒼菊分根自大食茉莉購種從波斯波稜舊為婆羅菜

弦魄雷公伏藏雨師避惟有織烏當空恣騰擲歎陽燄
 睽森角芒不作濕蒸作乾炙百川泉眼蝸涎枯千里土
 脈龜兆坼赫熹餘威竟夜不肯散繁星皆紅月不白有
 時微雲黯黯似欲雨忽然化為泠泠之風去無迹蒼霄
 如鏡無一罅何處得以洩涓滴翻嫌女媧當日太多事
 何妨聽其漏天而必補此一卷石繫我苦熱坐煩鬱寓
 齋數椽地又窄渾身忽遭入甕煨束手慘受烹鼎厄白
 汗翻漿浹胸背赤拂成粟徧膚革聊同禪子日掩關迄
 如病夫晝脇席遙望晴空萬里正蕩蕩上天下地無處
 不是赤燄積我於其間渺如滄海粟奚啻洪爐燎毛立

見作人腊。沉吟掩卷。忽自笑書生脆弱。真不耐煎迫。可憐心冷如冰。尙中熱。何以處夫病於夏。畦之熟客。

題唐明皇馬上擊毬圖

天寶昇平徧四隩。先幾未兆銜花鹿。九華殿已舞羽衣。千步場兼習皮毬。誰其從者一貴妃。又韓虢秦三阿姨。禁烟初過賜新火。平明結束黃金羈。古人椀革蹴以足。此獨馬上用杖撲。杖頭紅拂妙轉旋。左撥右挑上起伏。一毬突出廣場飛。君王控騎先追逐。錦鶻玉勒四蛾眉。齊着珊鞭鬪誰速。遊龍戲珠爭奮爪。流星趁月難躡目。奔馳將及忽折回。一拂驅之往而復。是時美人更遲姿。翩若驚鴻翥平陸。回身或疑薛夜來。反腰直比孫荆玉。興酣樂極口西斜。墜履遺簪紛可掬。至尊含笑策奇勳。餅金斛琲輦來分。直自平陽公主後。又成一班娘子軍。宮中方演白打技。塞上亦演超距戲。一旦漁陽鼙鼓來。驍騰卽用趕毬勢。可憐鍊就走馬工。只供倉皇避賊計。嗚呼一翹區區何重輕。江山遂入袞弄傾。始知五色毬空好。不及千秋鏡最明。

贈相士彭鐵嘴

古人相法相心曲。豺聲忍烏喙。毒鳶肩躁牛腹。黷初不專以論禍福。論之實始周叔服。由也不得其死。然孔聖

亦似據此卜自後唐舉及呂公下至麻衣道人柳莊翁
一十七家術愈工我思人面各一尺就中列五官雙者
自雙隻者隻位置未聞有變易何以千百無一肖此實
化工示奇迹相者因之測天咫固應巧中若著策彭生
挾術遊長安一朝名動公卿間終身能以立談判自稱
鐵嘴無欺謾生平吾語爾從來驗者可屈指髡黥或真
王將相或餓死眉長過曉文譽高耳白於面盛名起骨
如多遜具貴徵目似王敦召禍始一雙鬼眼少宦達半
箇軍頭終竄徒斯皆經驗方操券可比擬然而按舊譜
有時亦錯迕褚蘊從理竟温飽庾夔豐頤乃貧窶徐陵
宜天享耆耄柳渾宜賤躋台輔此又何處差母乃術莽
魯何況李嶠壽在息元忠貴在怒倘非值其睡酣與色
變憬藏天綱也坐誤感生爲我論窮通問生此術曾否
精研窮不然若但矜皮相對鏡我亦能自量幸免鼠目
求官譏本無燕領封侯狀筋猶束骨未名歿脣不著齒
或招謗豈望眉間黃上來聊守鼻端白無恙

瀾翻不窮
舟

于闐玉歌

驛馬奔車汗流足將軍遞到于闐玉大小磊落三十顆
生牛皮裹牢結束白作截肪青蔚藍瑩澤皆如水新沃
觚稜初曉肅奏進光映朝霞炫人目此邦遠隔玉關西

洪荒以來未內屬崑崙西流入其境分三玉河烏白綠

見平居誨于闐行程記

少時讀史疑天外何處西域三十六張騫使節

空經臨呂光兵威未降伏豈知今日入版圖周索新恢

過身毒此玉遂充方物貢水漲撈來不煩督足覘我

朝德威溥地盡九垓悉燾育君不見天寶初載索西賁

興師勃律武功贖裏糧轉戰四萬人海激成冰一朝覆

見西陽雜俎

又不見大觀年間造八璽遣使往求幣滿篋答書

竟號獅子王國寶雖成國體瀆

見游宦紀聞皆子闕玉事

即今細載來輪

蹄習見翻似豐年穀試披往牒徵典故此事古來見者

孰傳之史策垂無窮應笑漢家侈叩竹

觀回人繩技

走索之戲晉樂志及文選注謂以繩繫兩柱人行其上其索乃平繫也今內地有能之者回人則立一長木而直上尤號絕技云

險竿矗天五十尺拔地孤撐少牆壁其旁斜出十丈繩

短杙繫之堅椽石彩虹影挂寥空高紙鳶線入青冥窄

了無階級疊層層詎設梯梳排節節誰何健者獻技來

曷鼻虬鬚眼睛碧奮足忽如履平地直上不藉人扶掖

懸藤曼曼懶猴行釣絲搖搖蜻蜒立斯須更進竿頭步

獵獵罡風迎面拍觀者矐眙舌盡吐深愁蓋粉碎一擲

整暇故出一足翹盤旋或作雙趺結咿嚶更復操蠻謳

要使廣場歎嘖嘖神哉技乃至乎此肉飛仙人不足嚇

問渠遠自回鶻來。戎索新恢就俘獲。勃律天西古不庭。
今入幅員受屬役。絕藝洵過犛犴眩。盛事更勝越裳譯。
太平物色於此徵。莫但看成一戲劇。

贈寫照沈錦

世人論畫重山水。花草翎毛仙佛鬼。畫人亦只畫古人。
寫照雖工固所鄙。豈知繪事此最難。未可憑虛信手擬。

伏勝授經圖。摩詰子敬書裙摹老米。

王維有伏勝授經圖。米芾有王子敬書練裙圖。

取神采不取形。苟得其意一掃耳。試起昔人相比對。未
必風貌果如此。寫照乃以人為的。毫釐差輒謬千里。刻

劃模成印板中。玲瓏影取惟燈裏。穠纖相稱配瘦肥。毛

髮欲動肖悲喜。事兼束縛與馳驟。依樣葫蘆豈薄技。譬

如拈題作時文。一縷脈縈微妙旨。多少詩古文辭家。掉

頭弗屑挂牙齒。一朝執筆就繩墨。芝駕跡弛不成理。乃

知傳神阿堵中。慘澹匠心幾生死。會稽沈生秘獨擅。布

衣徒步長安市。我來請作壽母圖。

時為家母寫照

意思安閒拂素

紙。詎須九朽始一罷。頃刻圖成未移晷。懸之粉壁羣聚

觀。三尺小鬟亦曰似。信哉茲技有別長。弓人之弓矢人

矢。古來絕藝當通都。早晚遭逢名鵲起。會看待詔金馬

門。縑素揮成進綈几。

時將供事方峇館

翰林院有土地祠。相傳祀韓昌黎詩以解嘲。

瀛洲署中坎社鼓社公傳是韓吏部建置本末無可徵
 肇祀不知義何取從來名賢歿為神各視生平所建豎
 或班侍郎居碧落或冊真人位紫府或選閻羅分殿十
 或封遮須列爵五鬼官司命周顛除太陽都錄魏徵補
 白傅已列蓬萊仙曼卿更拜芙蓉主况公日星河嶽氣
 立朝大節炳千古絕脈能開道學先餘事亦號文章祖
 抗疏幾碎佛氏骨從祀不慚宜聖廡豈宜罰作土地神
 坐使淮陰噲等伍屈宋詎稱衙官職樂邵翻充皂隸戶
 生前磨蝎坐命宮會謫嶺南鮫鱈浦庸知身後尚踳躓
 端又遭左遷侮鄉先生可祭於社此地初非公故土

卽云立社為樂公公未久修史館簿區區冷官一臠肉

寧足為公增華廡我來展謁聊解嘲且勿半騷碩人俛

幸未改塑浮屠像潮州有公像作浮屠形巡撫郭青螺易以木主見湧幢小品儒服依然端章

甫香火祠雖處末僚翰墨緣仍近藝圃猶勝杜陵老拾

遺變作十姨呼阿姥杜拾遺廟訛為杜十姨一經數典千卷書都到筆

贈說書紫鬚鬚姓黃名周士以說書遊公卿間紫鬚鬚貌何醜爾頭寡髮面赤癩尚恃滑稽一尺口酣

嬉每逐屠沽博調笑慣侑侯王酒妙撥鴟絃擅說書故

事荒唐出烏有優孟能令故相生淳于解却強兵走有

時卽席嘲座客自演俚詞彈脫手張打油詩豈必工胡

釘鉸句不嫌苟但聞噴飯轟滿堂炙輠爭推此禿叟自
言名隸教坊籍談段曾供宴燕九華清承直知有無唇
舌君卿固罕偶君不見石野豬張浪狗絕技俳優侍至
尊斗珠車帛承恩厚如今 朝廷絕嬖幸不賜歌伶田
半畝姓氏漫同幡綽黃詠諧聊附敬亭柳

汪水雲硯歌

昔文丞相有硯玉帶生至今四十四字傳其銘何哉復
此一片斧柯石再覩天水遺民迹豬肝色映青花斑水
雲小篆文回環更有七言一章章四句自署頌民同石
頌硯乎硯乎當日機速房揮檄草慈元殿寫降表爾幸

未與謀完壁得自保硯硯鐵筆鏤主恩擬作魏公遺笏
傳家寶何期臯亭山畔悲笳鳴蝦蟇更盡三宮行是時
守臣納款宰臣遁坐視鐘簷移徙銅盤傾西母臆前老
供奉獨奮九死隨北征此硯亦復不脛而走來燕京同
隊者萬卷書作伴者三尺琴為南冠客供清吟故國河
山同瓦裂石不能言也嗚咽可憐不作高漸離筑擊座
寒徒成朱少章印懷袖熱授書木波師瀛國公學佛
為木波講師酬韻王
昭儀水雲有和
王昭儀詩想當擗管濡毫時蟾蜍滴淚和墨研淋漓
卽今五百年來不知幾易主一雙鴛眼猶似含漣而從
來離黍滄桑際多少淒涼難盡誌往往或托一人載一

器翻抵東京夢華西京記君不見咸陽宮中鏡一奩開
元年間錢半字觀者輒為談遺事况茲孤臣手澤存忍
弗什襲弃藏亟標識我為作歌告奕世不同武林舊事
金。喉。羅。應。比。汝。社。詩。人。竹。如。意。

淋漓頓挫可與竹垞玉帶生歌
並傳而結句更覺健舉保泰

王貽堂編修邀客陶然亭而不及余余是日獨游
適至遂入座兼訂法源寺看海棠之約

經句閉門不可耐一壺酒掛僮奴背城南野路确犂行
破車聲如老翁歎尋幽遂到黑窰厥忽遇掩關但犬吠
疑有貴家姬妾遊不許旁人見眉黛圍扇難為看竹袁
興盡欲作迴舟載無端扉啓肅客入一笑原來是我輩
似慚折柬不我招肯復揚鞭麾人退客以不速倍合歡
酒惟無量自擇對侑歌雖無二八粧具饌不數三九菜
狂來髮或植如竿酣處胸已澆無塊地高一徑有曲折
亭敞四隅少隔礙城上探出西山頭似向鄰牆窺醉態
纔離人海境便清始覺市塵塵果穢乞醬得酒真太賒
得隴望蜀不嫌再春風計日到海棠預約祇林重結隊

連日筆墨應酬書此一笑

詩非苦心作不成佳處又非苦心造縱窮罔兩搜元珠
不過寒郊瘦賈島粉蝶雙飛桃李春雄雞一唱天地曉
偶於無意為詩處得一兩句自然好乃知茲事有化工

琢玉鏤金漫施巧如何一管秋兔毫立課分程日起草
言情篇什貴雋永豈比宿逋可催討假啼那得有急淚
強笑安能便絕倒君不見倩人搔背不着癢枉費麻姑
好指爪

題袁止所主政我我周旋圖

佛說有化身易言貴觀我君乃獨取蒙莊書寫此一對
解衣磅礴躑既非形影神句問答頻亦非千百億軀示
現夥無端入畫一而二一端正相一偏頗初疑高人對
奕間又疑雅客晤談吟豈知不得生區別左者卽右右
卽左問君何事弄狡獪幻出人間兩么麼君獨不聞人
之大患在有身如蠶作繭自纏裹笑君一身難了又一
身不知何時可以脫韁鎖

上元後一夕同兒輩市口看燈

昨宵佳節天大風市頭燈火一掃空今朝無風天色好
滿街人沸月影中兒曹牽衣喜相告出門要看紅燈紅
對之那能卽喚喝聊與命駕菜市東置膝自抱我誠癖
上車不落渠自雄發蒙教猜春謎字遠啾引避市語訶
倘逢相識見應笑如雞馘雛在一籠中年漸多兒女愛
已無大志立事功竿木逢場且作戲閒情聊托兒嬉同
却憶倚閭人望我亦如我愛諸孩童

題長椿寺九蓮菩薩畫像

城西南寺名長椿中有寶繪姿天人貴極重闈禕翟賤
誠皈佛乘戒衣尊當日隆稱觀自在至今遺像儼生存
從來母后當冲帝每利藐孤擅神器女中堯舜有幾人
朝端平勃愁無計賤婢驕稱中大人權闈寢侈十常侍
太廟祠披袞服臨外家臘改黑貂祭鶴將木刻寵新歡
彘以人爲讐舊嬖飄絮猶歌楊白花摘瓜幾盡黃臺蒂
獨有前朝家法嚴尤推孝定性和恬恐幸末命黃羅托
不慕朝儀紫袖瞻政委相公批勅尾課勤幼主讀書簽
經筵進講親催盟曲部聽歌痛示矜期厝大婚侈殿早
禮尊正嫡過宮謙和熹應愧常稱制光獻猶多一撤簾
國儲未定妖書起官家汝亦都人子從此青宮有所歸
一語勝他千御史璇室褪躬四十春九蓮菩薩本前身
漢家賢母師黃老今奉如來亦淨因湧現化城輝紺碧
莊嚴香界布金銀要令人識清修業特賜禪林法相真
着色生綃閣立本白描神筆李公麟想當玉軸頒來日
繡織珠旛溢九闈諸佛也應投地拜榮光萬丈耀金輪
轉眼係會遭百六丹青也入滄桑錄蓮花世界滿刀兵
貝葉經堂橫血肉可憐萬里好山河無地可懸圖一幅
社飯誰還念老身僧寮聊復存遺躅深谷高陵何代無

徽聲終自冠椒塗道清死免僉名辱鈞戈生偏享福殊
來自西天乘鳳羽是時禁中建九蓮閣塑菩薩像跨一鳳而九首見揚昆岫玉堂蒼說去歸南海比
龍胡慈容滿月零縑在羞殺臨朝武后圖

國北詩錄七言古二

陽湖 趙翼 雲崧

途遇大雪

先生身將作火鼠。去向炎方嘗溽暑。豈知寒酸緣未斷。
還須歷盡冰霜阻。征途連日朔風厲。曉來風止稍和煦。
化玉何處萬剪刀。剪出玉蝶滿空舞。又疑揉碎華鬢雲。
噴下層霄壓九土。混茫直泛洋伶仃。晃眩豈辨谷子午。
世界幻入兜羅綿。恍見洪荒萬萬古。青山未老白頭催。
枯樹不花素囊補。墮地無聲膩若烟。伺隙善入狡於雨。
絕無人跡難問途。見有漁舟始知浦。壓馬直看有腫背。

墮車或不慮折股先生畏冷又畏濕
下輿帘塊獨處如曷日鳥寒自號
比紇干雀凍不語此行正要裹
幃帷翻閉巾車作處女
雋妙乃爾枚

五人墓

駕帖來逮吏部吳民號旂尉怒
大聲呼囚趣對簿誰何健者揮
老拳狐鼠紛紛竄無路博浪一
椎全秦動北軍盡祖諸呂懼豈
惟激變事可駭緹騎從此不出
捕君看德陵晏駕時奸醜薰天
勢已固點將錄早打網盡頌璫
祠皆向火附詎有蕃武收黃門
并無訓注謀甘露縱撰九錫盜
神器中外臣僚孰枝梧正慮草
澤有君等或起義旗挽天步如
謀坐是不敢發信郎從容來踐
阼乃知此舉功實偉又延十七
載國祚我來懷古過墓旁彷彿
生氣尚盤互相傳地卽普惠基
幻出神奇從臭腐媚奄翻奉擊
奄人蟬綏蟹筐理難悟襟山帶
水一佳城卜吉者誰毛一鷺
墓基卽普惠祠毛一子才此題亦有一首專以偏師勝此從
大處立論故是堂堂正正之旗枚

岳忠武墓

背嵬軍來敵鋒避撼岳難撼山
易樞密使罷賊疏彈縛虎易縱
虎難宰木蒼蒼向南拱此是改
葬祁連塚祠前已植分屍檜
明同知馬更鑄烏金長跪竦
都指揮李卻憶圓扉橫實時格
天閣秘無人窺橐籥安有肉笑
麕拉脇遽

定柑剗皮鐵椎郎君戮都市銀瓶弱女投井溜全家簿
 錄赴嶺表僅有獄卒潛瘞尸隗百戰不死死死牢戶從古
 冤禍無此奇邪正由來冰炭異奸臣逞毒何足計獨怪
 思陵非甚暗會寫精忠鑒素志是時權相日尚淺未至
 鞞刀嚴戒備言官誣劾韓良臣猶能力持格羣議胡獨
 於公任羅織自壞長城檀道濟千載人思贖百身當年
 獄竟成三字乃知風旨本朝廷為梗和我亟拔釘可惜
 垂成功八九少緩須臾兀术走生平誓踏賀蘭山未飲
 黃龍一杯酒空令敷天抱冤憤恢復初心豈願有豐碑
 突兀西湖濱孤忠雖雪志未伸有時風號怒浪起猶似

熱血蟠輪困

鬱勃頓挫岳墓詩斷無有出其右者保泰

大石佛歌

是誰鑿破山骨裂幻出如來身半截淨磨頭石生面開
 剗空危崖全軀突昂藏十丈端正相憑高氣欲俯一切
 盡雲紺殿僅可容聳翠遙峯迴相埒耳輪縱未廣成市
 指節已看粗似稅繫腰豈但十圍帶束肚知費幾許篋
 伸脚恐踏杭州城法座不琢跏趺結巨無霸頭大枕鼓
 狄僑如眉高見軾相形尙覺成侏儒何況焦僥等蠓蟻
 我聞佛教色卽空真諦不在崇像設華嚴樓閣彈指現
 陶輪世界隨掌擲斯特維摩寓言耳廣長舌豈論尋尺

胡為翻事捫籥求作此狡獪傲鳴嚇粵稽象教本西來
休屠金人著史策真形繼入漢帝夢塗像旋起竿融役

見後漢書陶謙傳此
實莊嚴佛事之始

爾後踵襲遂流播土木莊嚴日顯赫或摹

法相雕梅檀或范慈容鑄鑛鐵或同黃胖搏泥成或被

蘇扛為銀竊鏤牙刻玉矜貴重熬蠟燒瓷鬪奇闢爭新

炫異無不有最大莫如斲山石僧護鑄留寶相寺曇曜

鑿出武州壁六十快牛拽不動十層峭閣蓋還窄額珠

量可八石容慧燈油須萬盆炙此地秦皇纜船處相傳

下通海眼碧宣和異僧思淨發誓願奇觀遂剏碩人碩想

見懸空施斧椎剏功深歲月積妙讚猶傳甄生句南宋甄龍

友有讚巧塑不數楊惠蹟我來瞻禮一調笑龐然其大究何

益倘灌醜酬須萬斛若製袈裟要千帛持履歸難寸步

移乘杯渡恐連頂滅寧復手作兜羅軟安有毫映琉璃

白徒負擎天拄地形欲以皮相誇雄傑得無選佛亦貌

取固將以此為巨擘每於徵引處賣弄家貴實亦由腹笥便便故絡
繹奔赴救

陽朔山

昔聞陽朔山自非打人屠綻齒折不得見我今却因典

郡來看盡峯巒勢詭變扶輿氣入南條漸盡瘠瘦出青

孱一片皮不裹骨石峯巒舌可入喉穴漏穿去聲蒼根

拔地起突兀削鐵孤撐絕旁緣去聲或如靚女擁高髻或

如武夫戴峩弁。或挺而立。忽拘項。或僕而走。又仰面。或翹駢拇。歧有枝。或露鬣頂。禿無鬚。嶂岬或負。肩鼉碑。空嵌或鎖支。祁鍊直。或哮虎尾。能豎曲。或怒牛角。堪戰上。豐下銳。或卓錐。節斷身連。或累麤。肖形想。各有名字。不暇一一詢。士諺但覺無。數青螺。螭散來。倒插江岸。徧又疑。機括發地。弩仰空。激射千枝。萬枝箭。惜哉劍南樵客。井西道人。俱未到。誰寫奇峭。入素絹。胡為世眼無定準。憎者詆。其愛者羨。談不容口。揚侍郎除官南來。詫榮選。或言兩頭之蛇。千仞翼。一錢不值。人所賤。我為平心主。公論銖兩。默較嚴最殿。蘊藉殊少雅。人致刻削。亦類高士。狷石不能言。應點頭。真面匡廬乃全現。

過昭平峽

順流方駛。忽艤舟。云有急峽。在下頭。經旬積雨。今幸霽。肯聽柁師。輕逗遛。一鞭驅之速。拔棹岸上人。呼開不得。開不得已。難繫渴驥。奔泉脫銜。轡忽然入峽。勢迫束萬。疊盤滿滿。江沸水如強弩。將柁送石。似怒牙向船。伺千丈深。有蛟龍。饒一綫窄。防劍矛利。至此。慙然始懼。色上不到。天下無地。坡公已駭。無射鐘幼安。并愁不冠。廁渾脫水帶。那及儲。急取朱書神禹字。渡水者以朱書禹字在手。則不溺。見釣磯立談。漫思大瓠。浮一壺。安得中流備。手持艫門三尺板。設有

不測惟此倚斯須。出峽波稍平。柁師酌酒來。壓驚官是
未經風浪惡。勸官遇險勿趨程。噫嘻乎。人生用壯信易
敗。書紳謹誌瀧吏話。忠臣雖有叱馭時。孝子須念臨深
戒。

樹海歌

自下雷州至雲南。開化府凡與交趾連界處。八
百里皆大箐。望之如海。爰作歌紀之。

洪荒距今幾萬載。人間尙有草昧在。我行遠到交趾邊。
放眼忽驚看樹海。山深谷邃無田疇。人烟斷絕林木稠。
禹川益焚所不到。剩作叢箐森遐陬。托根石罅瘠且鉅。
十年猶難長一寸。徑皆盈丈高百尋。此功豈可歲月論。
始知生自盤古初。漢柏秦松猶覺嫩。支離夭矯非一形。
爾雅箋疏無其名。肩排枝不得旁出。株株擠作長身撐。
大都瘦硬榦如鐵。斧劈不入其聲鏗。蒼髯蝟磔烈霜殺。
老鱗虬蛻雄雷轟。五層之樓七層塔。但得半截堪爲楹。
惜哉路險運難出。僅與社櫟同全生。亦有年深自枯死。
白骨僵立將成精。文梓爲牛楓變叟。空山白晝百怪驚。
綠蔭連天密無縫。那辨喬峯與深洞。但見高低千百層。
併作一片碧雲凍。有時風撼萬葉翻。恍惚諸山爪甲動。
我行萬里半天下。中原尺土皆耕稼。到此奇觀得未曾。

榆塞鄧林詎足亞鄧尉香雪黃山雲猶以海名巧相借
 况茲蒼翳徑千里何啻澎湃重溟瀉怒籟吼作崩濤鳴
 濃翠湧成碧浪駕忽移渤澥到山巔此事直教髡衍詫
 乘籃便抵泛舟行支筇略比刺篙射歸田他日得雄誇
 說與吳儂望洋怕

響水塘

深山嵒嶽殷雷鼓人馬不敢獨行躄不知聲從何處來
 但見晴天灑白雨天下瀑布皆下垂茲獨仰歆向穹宇
 建瓴萬斛方急落有石觸之怒於虎驀然騰出三百尺
 響雪萬矢發地弩渾疑神龍下取水倒捲江湖滿空吐
 小者如珠大如雹激射寧煩枯槲耳濕氣滃似烟濛濛
 碎沫濺成霧縷縷力殺去聲乃漸斜飛下忽又拗作迴波
 舞有時天風來戛之飄過隔峯點三五噫嘻乎誰將珠
 玉唾九天亂落星河日卓午人間乃有過潁水水經狹
 陋弗及譜不因于役走遐荒奇景何由快目睹

娘娘叫狗山

上有廟塑一老姥又鑄銅犬于旁

蒼松參天山拔地孤雲一握崇祠倚中有仙姥趺坐深
 黃耳鑄銅案旁侍相傳武侯昔南征夜迷失道絕探偵
 忽聞此姥一呼犬尋聲得路始度兵茲事史策軼不睹
 像設莊嚴非無故宛如獨母撫鵠倉莫疑帝女偶繫瓠

獨思公也真天人綸巾羽扇將略神削木能為牛馬運
 壘石便作蛇鳥屯天南孟獲小醜耳謀非仲達勇豈停
 渡瀘來宜唾手取無煩搏兔全力振擒之縱之弄股掌
 何異兒戲軍棘門豈知當日實勞瘁手提孤軍入荒昧
 卽此徬徨覓路時想見深宵不能寐照夜安得流螢光
 識途已窮老馬智陰陵或慮漢卒圍荒谷行愁楚將縊
 若非此嫗為導引何異抵藩困危地功成千古傳美談
 局中之人幾心悸乃知古來立事功未有不出危苦中
 十倍之才尙艱阻何況人本非英雄我來懷古鞭稍控
 恰值征蠻兵事動從軍敢歎身獨勞料敵端資策能中
 陰符不望驪母傳方物終期旅爨貢

易羅池

在永昌九龍山下
池有珍珠泉甚甘

我家住近九龍山第二泉名播人寰萬里吟鞭到金齒
 誰知山名適相似山下亦有泉涓涓風味依稀比甘美
 方塘半畝甃四隅塘底迸出瑟瑟珠斜飛直濺千萬顆
 碎若泡沫無根株水底安得風捲入有時晃漾偏縈紆
 輕圓粒粒手可捉將到波面忽又無是誰倒插花歎壺
 應有地軸轉轆轤不然驪龍睡其下領中百琲隨噏呼
 可憐游魚尾直豎為吸水根皆俯趨乃知山空乳滿腹
 晝夜不斷流清腴龍泉之亭跨其上虛窗不用繭紙糊

亭前琉璃三百畝。泉所流出漚作湖。長隄未栽綠楊柳。
碧浪已長青菰蒲。迷離烟雨倏迴合。彷彿一幅江郵圖。
我來幕府參戎務。官比馬曹聊備數。偶然投罅出城來。
拄笏看山輒日暮。閒揀棋槍淪茗嘗。齒頰清芬似甘露。
陸羽茶經愧未編。贊皇水遞愁無路。踪跡鴻泥信偶然。
故鄉拋却竹爐烟。那知絕域瀾滄外。翻試清冷一酌泉。

王將軍拔柵歌

王將軍真丈夫。從征緬甸常前驅。千七百里到宋賚。
賊柵十六虎負嵎。我槍及柵不及賊。賊柵出槍偏着軀。
相持三日未得使。飢鷹側腦需攫雛。元戎下令攻肉薄。

萬眾牆排尙前卻。將軍是時心膽堅。挺身突出為眾先。
不我殺賊賊殺我。直騰而上呼震天。一人獨前萬人恥。
多少健兒總拚死。接踵入柵捷若風。貪殺不遑割左耳。
但見片片霜刀飛。頃刻染成血花紫。羣蠻有刃不及交。
鈍者被砍黥者逃。乘勢遂克賊柵四。其餘悉遁惟空巢。
是時元戎親督戰。目睹先登識其面。呼來帳下問姓名。
飛章亟奏南薰殿。

天子非常賜顏色。小校超遷十二級。擢官遊擊階將軍。
孔雀修翎長一尺。三軍聞之權如雷。誰不橫戈思殲賊。
我聞建德擊世雄。乘霧升寨稱奇功。又聞隋破高麗日。

有肉飛仙擲自空。罕之摩雲百折上。開平采石一躍衝。
如君矯捷好身手。古亦不多今豈有。君言非不畏戈鋌。
朝廷公道軀甘捐。不見古來多浪死。沙場白骨誰爲憐。

鬘華山殺賊歌

征緬師回賊躡尾。扎營猶距七八里。一朝師駐鬘華巔。
賊乃近逼山半眠。此賊目中已無我將軍。見之怒如火。
明晨要與賊死戰。人必帶血馬必汗。賊久識我軍令明。
三吹篳篥軍啓行。我軍啓行賊亦起。接踵來擾殿後兵。
詰旦仍吹三篳篥。銜枚卻伏箐林密。沸脣賊果漫山來。
只道官軍去已畢。忽然一礮驚轟雷。萬衆突出山爲開。
刀如旋風矢如雨。賊駭欲退身難回。乘高大呼何處走。
截殺快於宰雞狗。矢無虛發輒貫胸。刀纔一揮已剝手。
其有漏刃紛逃生。前人趾踏後人首。是時官軍氣益壯。
賈勇疾追窮所向。殺死猶少壓死多。填滿山溝一千丈。
噫嘻乎人間戰功有如此。數典古來誰可比。叢射龐涓
古樹下。生擒乞術二殺裏。蠢爾緬酋力幾何。敢復戴頭
來送死。

一詩白描處精神百倍正如史家叙鉅鹿昆陽之戰千載下猶有生
生氣德麟

高黎貢山歌

巨靈開荒劃世界。奇山驅出中原外。聽他豪距蠻徼中。
負地掀天逞雄怪。高黎貢山路江畔。萬仞孱顏插穹漢。

我行起趁雞初啼。行至日午山未半。回視飛鳥但見背。俯瞰衆峯已在胷。雪經烈日晒不消。瀑作怒雷吼不斷。每上一層冷。一層夾衣旋。把重裘換。無端嵐氣蒸。蘊隆幻出白霧粥。而濃手伸十指。看不見何許。厚翳將眼封。少焉罡風來一掃。了了仍露青芙蓉。五十三叅更難上。山上線路盤旋躡榛莽。面真對壁何所叅。頭恐觸天不敢仰。危崖石裂藤絡罅。老樹皮皴虎磨癢。有時栖鷗憂長嘯。是處啼猿發哀響。自非人馬結隊行。資育亦怯獨來往。何哉設險有此形。得非天以限邊庭。豈知氣運有開闢。形勝不得相關局。至今漸成康莊坦。早有結屋層根。青層散青青。日雨下借問下山尚三舍。解鞍且就茅店眠。驚看繁星比瓜大。

奇境待雲松來開生面救

夜行大箐中記所見

月黑山深路顛顛。瘴霧鬱蒸胸膈悶。暗箐陰森不知里。馬上凌兢不敢困。怪鳴聲如鬼叫號。山魃影與人揖遜。忽然一陣腥風來。萬木齊哮作濤噴。腰間撫劍聊自壯。背已汗流短衣褪。平明出尋旅店餐。虎爪攫門深數寸。

同璞函遊杜鵑園作歌

騰越之花多杜鵑。杜鵑園更花駢闐。我來戎幕暫無事。况有勝友同流連。相邀聯騎看花去。城東十里地最偏。

沿池環列十萬樹無一雜樹參其間低昂相映出浩態
爛熳不怕春風顛竊紅濃紫色不一淺深乃有六十餘
種相爭妍不暇細分別一一索笑嫣但覺花光高出花
頭四五尺照人不覺紅兩顴滿園艷彩晃不定乃在無
花之處烘雲烟此卽徐熙妙手亦難寫蘸筆徒費胭脂
錢一隊吳娃肉陣擁三千隋女錦纜牽笑他空谷佳人
渺獨立未免寒餓空嬋娟天寒倚翠袖何似袞衣炫服
相新鮮不意絕徼中有此巨麗觀茲園若量移得占中
土地一阡何減鄧尉之梅雪成海武陵之桃花爲源我
爲作歌使之傳毋令長此堙沒南荒天

路南州食雞蹤

頻年蓐食增減竈牛吼飢腸苦難療平憂偶然得蘆菹
已賽脣猩與胎豹一朝幕府謝事歸忽逢猥人擔上懸
葳蕤非草非木非果實兇羅綿軟脂肪肥問名曰雞蹤
可食不能飛呼童買得來叩茅店扉豈暇接管厨娘羊
簽試方法亦未飭下門生蟹糖議是非漉之并華水和
以煮蒼豨斯須來入老饕口老饕驚歎得未有異哉此
雞是何族無骨乃有皮無血乃有肉鮮於錦雉膏腴於
綿雀腹只有嬰兒膚比嫩轉覺妃子乳猶俗此豈菜肚
老人所敢望欲傲東坡羹糝玉若使官膳日具雙不愛

家禽愛野菽。我昔曾讀昌黎樹雞篇。只疑雞鳴上樹顛。
今朝始得餐芳鮮。試爲徵厥類。大者如蓋。小者錢。或產
於石。或於土。或於萑竹松杉邊。狀如鳥者曰禽。芝食之
可活數百年。得非仙之人兮。憐我久憔悴。錫我上藥壽。
命延然而滇中瘴所起。生押不蘆毒無比。今我所食毋
乃是一笑姑聽之。古人有言。縱食河鮑。值一死。憶昔驅
馬走塞上。曾獲銀盤蘑菇大如掌。何意蠻徼從軍還。復
此雋味得欣賞。天南地北兩奇珍。不是塵勞安得熊魚
坐兼享。獨憐十載走長途。似爲口腹營區區。他年歸作
櫻筍會。好瀹山中紅竹菇。

十歌

春三二月墟場好。蠻女紅妝趁墟踟。長裙闊袖結束新。
不賭弓鞬三寸小。誰家年少來唱歌。不必與儂是中表。
但看郎面似桃花。郎唱儂酬歌不了一。一聲聲帶柔情流。
輕如游絲向空裊。有時被風忽吹斷。曳過前山又嫋嫋。
可憐歌闋臉波橫。與郎相約月華皎。曲調多言紅豆思。
風光罕賦青梅標。世間真有無礙禪。似入華胥夢縹緲。
始知禮法本後起。懷葛之民固未曉。君不見雙雙粉蝶
作對飛也無媒妁。訂羅薦。

元祐黨碑在桂林者。今尙存沈魯堂太守搨一本。

見示援筆作歌

崇寧四年二月吉臣京奉敕書黨籍首編元祐終元符
 所在郡司咸勒石大書深刻何煌煌執政待制分班行
 聿從章相初定案七十三人已濫觴子瞻儋州子由雷
 分地各就名偏旁茲更增列三百九直空人國無留良
 歿者追奪生者竄并禁子孫仕朝堂兼有會持紹述議
 亦得附驥分餘光問胡作此一網計衆正登朝我將棄
 遂甘鑄鐵錯竟成肯令死灰燄重熾剪除異已期必盡
 威福橫行乃無忌太師原是一魔君徐神翁語見錢氏私誌 謬托左元
 仙伯位林靈素謂京為左元山自見家世舊聞 龍腦烟浮別院香京焚香從別室透入見悅生隨抄 鶉

羹命賤行廚味

京好食鴉麥鴉乞命見虛谷問抄

比鄰侍女知避名

薛肇明家婢知避京

諱見燕間常談

天子姻家親賜醉

見太清樓侍宴記

回視南遷諸黨人瘴雨

蠻烟葬無地窮荒僦屋方坐愁相府歌鐘正得意豈知

公道昭日星錮之愈力名愈馨朝端枉矜九州鼎

蔡確等鑄鼎列

司馬光諸人名金人入碎之

天下已誦千佛經

黨碑刻國子監有人題曰千佛名經見朱弁曲洧舊聞

磨礪貞

石妙鐫刻翻似為作功德銘嗚呼權奸所爭亦細故祇

此目前富貴具庸知數十年榮華不過蜉蝣一旦暮何

苦抵死讐正人徒供千載嬉笑怒冰山他日况崩摧白

頭也赴長沙路桃花三樹詔勒回

京妾慕容邢武氏三人隨南行有旨追取以金人指索也見王

明清揮塵錄

東明佛燈黑如霧

京死於長沙東明寺見錢氏私誌

一樣投荒作逐臣

剩比諸賢多臭腐。相傳星變已毀碑。此碑何以完無虧。
想因桂管地僻左。深巖無人施斧椎。碑陰不鐫刻工某。
毋乃亦是安民為。沈侯好古揭一紙。鐵畫銀鈎擅絕技。
一點金鋒雖兆亂。京書玉清宮額玉字一點極險急有道士曰此點乃金筆而鋒銛侵王見老學菴筆記臨池功
深特秀美惜哉若亦作清流。故自不減蘇黃米。

用書不下數十種毫無補綴痕迹是其心思筆力鎔鑄之妙保漆

李郎曲

李郎昔在長安見。高館張燈文酒醺。烏雲斜綰出場來。
滿堂動色驚絕艷。得郎一盼眼波留。千人萬人共生羨。
人方愛看郎顏紅。郎亦看人廣座中。一个狀元猶未遇。

秋明時為舍人

被郎瞥睹識英雄。每當舞散歌闌後。來伴書幃琢

句工畢卓。瓮頭扶醉起。鄂君被底把香烘。但申嚙臂盟
言切并解纏頭旅。食供明年對策金門射。果然榜發魁
天下。從此雞鳴內助功。不屬中閨屬外舍。五花官誥合
移封。郎不言勞轉謙謝。專恩肯作鄭櫻桃。儘許後房多
粉黛。狀元官貴擁高牙。匹馬相從萬里賒。為聽甘涼邊
曲好。相從阜蘭官舍當筵改學撥琵琶。主人酬贈千金橐。幸客莊
嚴七寶車。送上雲程心事了。忽傷老大苦思家。思家泣
與東君別。歸到姑蘇百花宅。舊時同伴見資多。誰不咨
嗟眼光赤。豈知遊興猶未已。盡倒囊金買瑤碧。捆載中

箱過嶺來昔是玉人今玉客時販玉玩至粵謁儂恰趁放衙早不

覺相迎屣為倒通詞曾記托微波欲即仍離郎太狡往

日挑琴未目成今朝擁檝偏人老西子重逢范大夫非

復當時浣紗好成陰樹已感司勳轆釜聲兼記邱嫂迴

憶華年澹泊遭徧衷那禁私相惱生平不喫懶殘殘偏

是人間禁鬱難初日杲蓮雖已褪晚風緒柳尚堪攀樽

前軟語聊調笑李下何妨一整冠

絕世風情枚

石蟹

客來貽我兩郭索石質天成不雕鑿拳丁八跪臍雙尖

滿堂動色海物錯堆盤正擬左手持忽覺硜硜齒難嚼

雙螯執鉞尚如衛一殼成匡不可斲空煩門生議糖餲

枉勞饕子費糠粕可憐彭越真壯士死骨千年猶峩峩

斂盡橫行萬里心化作一卷堅石魄相傳產自崖州濱

寒沙所生本軟弱出水則死不移晷得風而硬已非昨

薦來錯杓難湍羹劑以刀圭堪入藥能令昏目清障翳

兼療熱瘡去煩灼蟹圖十二且未載縱讀爾雅詎云博

始知化工固奇詭繁夥未可臆見度木浮乃有沉香堅

石沉乃有浮磬薄食鐵之獸吐火雞化蜃者雉變蛤雀

繁茲變幻何足異水土陰凝成磊落陋儒少見每多怪

說與但增心膽愕毋怪片牘過函關懸之戶楣可愈瘡

端溪

扁舟晚泊羚羊峽口間訪端溪古石藪前邨呼取老石王
爲余指點述縷縷是山到處有硯材文殊宣德皆凡胎
屏風背下穴三二尺乃是水巖宋所開其中東洞勝西洞
洞內又分三層縫上層麓燥下層腐尤以中層爲貴重
雲氣水氣入石濡石亦化作雲水腴切以鷓鴣刀一片
磨以蚶蛇砂幾鉢嫩於三歲嬰兒膚手一握之汗若酥
殺墨乃如磁吸鐵研磨無聲雲自敷數日不散光黯黯
宿墨一洗仍了無斯爲品中最上上鵲斑鶴眼猶皮相
青花隱約差可憑火捺有無不足尙近來此坑亦漸空
非有大力難施功刺水先費千人力入竇要濶七尺躬
燃燈在臍仰面鑿一卷艱與尺璧同我聞其言一笑歌
此州官場物力夥何不結此翰墨緣洞天割取紫雲朶
雖殊包老投石沉清冷差比鬱林歸裝壓磊砢

柳州

我聞吳中桑民懌得官不赴柳州城謂昔子厚擅其地
去恐掩却前人名斯言抑何過自譽毋乃蚍蜉撼大樹
昔者東坡到嶺南未聞潮州祧韓愈將母自揣實不如
翻作大言高自署名士取名非一端鈞奇弔詭多用權
遙望古人已不朽附之者傳攻亦傳郭象註莊固同久

劉幾糾史亦並懸桑生用意蓋在是乃詭不欲厄兩賢
後來文苑爲立傳竟因斯語特著篇此正文人狡獪處
被我說破不直錢

快論册

古州諸葛營

我昔從軍走滇徼所至俱有武侯迹瀾滄西去到木邦
遺壘爭傳丞相壁

永昌及木邦俱有諸葛營

今來入黔首古州又有營名

表公額夷攷當年用兵地木鹿都魯極西磧距此奚啻
六千里中有千山萬山隔五月渡瀘七月平統計出師
日纔百兵縱神速倍道馳亦豈能來樹營柵想是擒縱
威聲在一時羣蠻盡辟易地中鼓角皆雷霆山頭草木
總戈戰遂疑處處有公到如水行地初不擇英雄作事
以氣勝力所未至光已射一方戰定各部讐數月功成
亘古赫經過我亦一儒生懷古真慚軀七八

借補山崧霞遊雪崖洞甲秀樓諸勝

人生衣不過帛一束食不能粟一斗何苦出亦愁入亦
愁身比鼠穴銜簍籛不如逢場且作戲得錢便沽酒今
朝風日佳發興自良友提刑司清柳扭衡文堂掃批垢
相邀出城遊屏却騶從吼或疑陌上逢三叟或疑中散
出街走俄到雪崖洞石竅嵌空誰所剖穹窿笠覆窮透
漏孔穿藕鑄鏡古佛好身手迦葉應真相左右斜通一

罅開窳窳瘦而入坎似納牖生平傲不肯折腰屈使由
寶也俯首獨思單椒秀澤徧天下何限玲瓏洞壑仙霧
守茲崖奚啻一培塿特以近都會名轉噪人口足悟遇
合偶不偶一笑下山去門前水清瀏暑月應有紅芙蓉
春風猶未綠楊柳沿溪隄度林藪又見危樓高巋然霧
光壽其旁長橋如飲虹其下淺水不沒狗獬構突兀中
流中欄楯詰曲百尺隄蠻荒本無秀可甲不得不推此
巨拇前有鐵柱丈八九紀平苗功筆如帚可憐幕府開
疆印懸肘至今祁連冢已競薪樵何況壁間題名人妄
冀翰墨垂永久噫嘻乎事功莫移愚公山著述姑付楊
子詭君看汗牛著述汗馬勲孰是人間真不朽豈若朝
彈絲暮擊缶縱浪大化間清福且消受山僧頗解事邀
我香積具瀧漉盧仝七碗餘淳于二參後耳熱歌呼到
日酉歸來滿城燈火猶熒煌上元後三日灞陵醉尉不敢呵誰
某真成樂上樂脫盡官場俗窠臼試問犴鳥蠻花天千
年以來會有此舉否

關索插槍巖歌

萬仞危崖拔地起磴道盤空有遺壘土人相呼關索巖
云是漢前將軍子曾從諸葛征南來丈八鐵槍插於此
我讀蜀志典可徵髯翁二子平與興此外不聞更誰某

毋乃荒誕未足憑。然而滇黔萬里境到處俱有索名嶺。
 若果子虛無是公安。得威聲至今永。當年壯繆心安劉。
 胸中浩氣橫九州。一門忠孝出天性。厥子亦定賢豪流。
 渡瀘深入不毛地。將種應為丞相倚。斷頭掉尾紛猱苗。
 蠱毒蛇氛叢瘴癘。想見前驅摧陷力。生關鬼鄉作人世。
 嗟峩翠壁高摩天。一槍留鎮何機權。豈同射石箭没羽。
 或比刺山劍出泉。要以神奇讐蠻俗。如鐵柱殺蛟龍涎。
 君不見武鄉擒縱用心苦。亦假威靈靖南土。深崖往往
 貯金甲。貴陽有諸葛藏甲巖荒村處處瘞銅鼓。蠻村多銅鼓皆云諸葛鼓也不知此物
 究何用。千載羣蠻舌猶吐。可知一枝綠沉槍。直抵長坂
 蛇矛萬人阻。我來跋馬蒼山根。陰風颯颯寒荆榛。欲求
 故蹟已罕有。偏覺英采垂千春。年深世遠不消蝕。此豈
 得謂無其人。嗚呼書生論古勿泥古。未必傳聞皆偽史。
 策真。結句千古名理一語破的保泰

白雲山羅永菴相傳為明惠帝遜跡之所

白雲山上羅永菴。傳有明帝棲遜龕。考之前史帝崩火
 安得遺跡留西南。稗官雖傳老佛返。議者輒謂無稽談。
 我思金川事倉猝。母后未返宮。已燻當時死生究誰識。
 鬼門何必無逃驂。出尸七日葬以禮。特掩耳目欺愚憨。
 既命胡濙訪邈邈。復遣鄭監踰瓊儋。長陵亦疑帝尚在。

何况天下思遺簪。所以從亡致身錄。多摭軼事勒秘函。
 東湖樵夫補鍋匠。荒天野哭辭詰謫。亡國非以無道失。
 此意率土同悲念。人心未死即帝在。焉知不雉為瞿曇。
 皇覺寺中舊衣鉢。一脈正宜冢嗣擔。革除距今四百載。
 茲菴不朽猶精藍。想見師徒卓錫到。會攜紅篋度牒三。
 新蒲綠時感懷切。菜根青處歌聲酣。獨嫌附會轉失實。
 洞號流米泉湧甘。菴後有流米洞。相傳有米流出。供帝爨。前有跪井。與
 云山高無水。帝至忽湧泉。出取水者必跪汲。乃得。
 王或有百靈護。泥馬著鞭蛇斬鐔。遜荒久已時命去。空
 山魑魅寧朝參。當是遺民切哀慕。故神其說資窮探。我
 來弔古白日暮。羣鳥聲正啼。烟嵐相傳帝題菴中詩。議論精覈。筆
 惟有羣鳥早晚朝。力謹嚴舟。

將至朗州作

滇黔天為山所械。萬山圍在青天外。今朝眼界豁然開。
 出得山來天始大。經年坐守深山幽。豈知山乃盡朗州。
 萬山送我我却私笑。此人去竟不回頭。獨嫌山盡水復壯。
 前途又狎稽天浪。洞庭湖濶漢江深。一葉扁舟兩枝槳。
 已徧天南萬里行。歸途翻更切心旌。山平水軟江南路。
 屈指還須一月程。

甘將軍廟神鴉歌

江行曉過富池鎮。片片亂鴉迎作陣。拂浪如偕畫鷁翔。
 乘飈欲共相鳥進。榜人搏飯投向空。饒口啞啞大逾寸。

高低接食百不失眠疾機靈弗轉瞬有時既飽坐檣竿
 恰似倦旅便船趁傳是甘將軍廟中遣來相助蒲颿迅
 將軍生平勇絕倫雄姿颯爽生威神燕領自能飛食肉
 鷹揚豈屑飢附人由來英鷲氣不散故應化為健翮凌
 秋旻獨是當日所部未有鷓兒軍既不聞雁子都以鳥
 紀又不聞黑雲隊以色分胡為身後統領萬鳥喙直欲
 角勝水師鷺鶴羣或云將軍賤時好劫掠負毳帶鈴人
 被虐草竊幾同孫白雞陸梁不減趙青雀即今毋乃故
 智存猶布黨羽恣吞攫繫余只貪歸路遄朝來正值南
 風顛長年驚喜謂神佑船頭灑酒焚紙錢老夫快聽帆

獵獵也學低頭拜杜鵑

蠓磯靈澤夫人廟

危磯俯插滄江水一片貞魂招不起相傳魚復凶問來
 玉骨冰肌此中死夫人生長吳宮中剛猛綽有諸兄風
 侍婢執刀堦慄慄幾笑大耳非英雄歸寧手自抱阿斗
 亦見異母恩勤厚獨疑章武建號時何不迎回冊佳偶
 伉儷殊無故劍情劉瑁寡妻翻作后得非房闈餘威在
 猶恐變故生腋肘武侯云王公在公安近慮孫夫人變生肘腋我讀蜀志搜異聞沉
 淵軼事無明文要知夫人性英烈自有一死留清芬
 猊亭師敗聞應悸况堪更灑崩城淚生不能歸蜀道難此

水猶從巴峽至。或者游魂可逆流。欲問永安宮裏事。杜鵑啼罷血紛紛。白帝城高國土分。一樣望夫身殉處。可憐悲更甚湘君。空江烟雨迷離合。還似蒼梧日暮雲。

一聲河滿江空月明德麟

蕪湖鐵畫歌

畫家寫生尙沒骨。專以柔媚矜技絕。是誰巧匠能翻新。不用胭脂轉用鐵。堅鑲入殿無礪砂。鉗出爐燄紅于鰕。陰陽之炭文武火。恍疑地窖烘唐花。梅根崛奇松節硬。故宜鏃鏘摹槎枒。其餘或拘風枝颭。或抽露葉垂橫斜。或魚魚游燕燕舞。當空鱗爪紛盤拏。觀以素縠影浮動。映以絳蠟光交加。燈之屏之挂虛室。使我四壁生妍華。何哉頑鐵本粗醜。乃令作繪替丹黝。得非黠鐵指嚼鐵。口否則卷舒鐵鈎手。鍊得錚錚一寸剛。化爲繞指軟如柳。廣平不以勁直稱。魏徵轉因嫵媚取。揉堅接銳出麗藻。笑他磨杵爲針硯。成日鑄鼎象物古所珍。未有此法傳後人。我聞畫竹須用玉鈎鎖。畫山最要丁頭皺。想是良工於此得妙悟。遂以鐵筆來傳神。丹青無光卷軸掩。論價貴值雙烏銀。從來一技精能名可擅。沈錫張銅李昭扇。以鐵作畫尤未聞。特爲藝苑開生面。何不鐫取工姓名。流傳應過千年絹。

翠。氣。以。凝。升。畫。丈。未。開。神。意。蕤。英。開。主。面。何。不。識。瓊。工。
飾。貴。前。雙。鳥。題。新。來。一。封。辭。論。谷。可。斷。武。驗。張。隄。李。
其。工。於。九。野。故。謂。後。以。燈。筆。來。書。帳。且。青。無。次。卷。碑。辨。
尊。資。人。非。開。畫。首。取。用。王。險。餘。畫。山。景。要。丁。真。娘。賦。景。
菊。笑。於。翠。林。風。後。野。如。日。識。鼎。象。幽。古。洞。狂。未。首。北。寺。
味。過。平。不。以。徑。直。酥。懸。漸。轉。因。無。識。瓊。斜。望。對。險。出。瓊。
口。否。恨。容。詩。燈。險。午。離。昏。鏡。鏡。一。七。啊。外。魚。蘇。許。神。心。
何。若。而。幾。本。昨。題。只。合。非。餘。替。長。燭。昏。非。標。燈。許。柳。燈。
卿。以。絲。離。光。交。吹。燈。之。風。之。卦。溫。空。對。非。四。望。主。敗。華。

甌北詩鈔七言古三

陽湖 趙翼 雲崧

虎邱寺玉蘭樹歌

蒼。山。變。作。白。頭。坐。訝。許。夜。來。春。雪。大。豈。知。中。有。逆。風。香。
一。樹。琪。花。開。萬。个。槎。枒。老。餘。老。不。死。幻。出。蛟。虬。半。空。卧。
千。霄。欲。鬪。星。榆。高。拔。地。應。嗤。澗。松。挫。千。步。長。廊。圍。不。住。
攫。出。簷。頭。勢。掀。簸。幸。渠。占。天。不。占。地。不。然。將。塞。古。寺。破。
是。時。花。光。正。爛。熳。瓊。盞。銀。盤。炫。奇。貨。似。入。藻。珠。宮。幾。重。
豈。移。羣。玉。峯。一。座。素。華。迥。耀。滿。山。朗。落。英。堪。飮。萬。夫。餓。
根。定。千。人。石。盡。蟠。芬。真。七。里。塘。俱。播。翻。疑。列。真。此。開。筵。

虎丘寺詩

七言古三

玉屑霏成九天唾。十丈蓮漫昌黎誇。千年桃在方朔賀。
噫嘻乎世間縱有豫章材。多在深崖路坎珂。茲獨生長
人海中。萬古能逃斧斤剗。得非身本紫玉魂。常有百靈
為遮邏。閱盡遊人珠翠粧。伴他老衲鐘魚課。我來摩挲
特矜寵。捫筆題詩少人和。笑比岳陽老樹精。可識回仙
朗吟過。

戲為疊字體寄邵耐亭

憶昔與君初結交。傑直薇垣情最密。地豈頭廳隔二廳。
班非隻日間。雙日每尋伯雅季雅。酣共訪大酉小酉。逸
今雨不來。舊雨來朝霞不出。暮霞出西晉東晉。辨書法
初唐晚唐。究詩律消寒欲過燕九九。催花擬喚殷七七。
人笑負。歷趨叩叩。我比連珠綴瑟瑟。無端居者送行者。
君也掉頭歸。著述北戶之北。南斗南我獨揮鞭馭。頻叱
柳柳州所謫。居地文文山昔戰。敗駟山號鴉飛飛。不到
峯名鬼哭哭。無歇龍苗狗苗狀。可啞烏蠻白蠻語。難詰
騎驢甚或覓驢。忙得馬又疑失馬。吉木偶漂逢土偶。嘲
越人瘠。豈秦人恤。此時君正北廳卧。名花滿庭書滿室。
在家人作出家僧。一頃田栽半頃秫。右挂右丞畫一幅。
左列左司詩數帙。逃禪非想入非非。談藝乙端抽乙乙。
亦元亦史亦風騷。不履不衫不中櫛。笑我山上又山多。

長在夢中把夢說。如今我也返江村。與君相近肯相失。
擬泛長亭短亭舟。來從上山下山屐。某邱某水同釣遊。
誰主誰賓。旅肴核本無翻手覆手嫌。何須白眼青眼別。
公是公非。訂弟兄徐行疾行。攜子姪。與酣百罰酒。百杯。
賦就一字。縑一匹。留與江鄉作佳話。二老風流會真率。

偶然游戲遂創千古奇格德麟

曉仙謠

街鼓三更人語歇。露華無聲冷透骨。野狐變人形未全。
頭戴鬪髻學拜月。煉成七七四十九脫落皮毛好姿首。
黠犬縱識他元身也。畏神通不開口。金闕寥陽彩雲碧。
公然混入羣仙籍。羣仙亦復愧不如。紫府清班推首席。
身傍璇霄得地高。警欬一聲飛霹靂。雙爐前引兩青童。
五百鐵額避下風。旁人莫笑出非類。此亦曾經用苦功。

李長吉專從不可解處作奇語人不能學此却從可解處作奇語人亦不能學
兩人才分未知孰優故

讀書苦忘以詩自歎

東坡壯歲在貢院。晝與同官恣喧瀆。暮燃寸燭閱卷多。
一覽輒了數百幅。晚年北歸過贛州。對客頽然亦睡熟。
晦翁少與伯恭學。有多目星夜受蹴。研磨到曉益神旺。
伯恭既醒大歎服。後來此物竟辭去。每次亦須脇席宿。
由來老境潛逼人。恰如惡客來不速。伊余自昔愛篇籍。

常恨無資積滿篋。幾誤南華作僻書。偶得論衡矜秘牘。
仕宦歸來力稍餘。挿架新收三萬軸。嚴課猶思限等身。
健忘已歎虛過日。分明何處似相見。一斷機絲渺難續。
剪紙漫費巫陽招。升屋空期臯某復。乃知茲事亦關命。
貧慕膏粱富厭肉。昔時能讀苦無書。今日有書苦難讀。
整妮牙籤奈老何。光陰漸少書正多。君謨愛茗不能飲。
但淪香泉玩綠波。

疽發於背醫來以刀割治作詩誌痛

百病同衰來侮我。始知身老無一可。眼昏齒豁且勿論。
七尺頑軀結果蕘。初謂癬疥不足憂。旋復墳起如贅疣。

脹疑欲化馬背腫痛若被螫蠱尾鈎醫來技窮七首見

發。硯直似剗庖牛。我愁瘦割身亦死。渠謂癰養病弗瘳。
一刀初入淚迸落。兩刀二刀喪魂魄。可憐消瘦一枯肌。
不足當拳况鋒鏑。膚革幾防鑿壁穿。肺肝直恐和盤托。
幸我回頭看不見。但見奴僮也驚愕。憶昔從軍絕徼秋。
金瘡常備中戈矛。卻憐今日刀銛血不作。沙場刮骨流。

與客談黔中牟珠洞之勝補記以詩

我不知混沌以前世界作何狀。可亦地在下天在上。禽
羽獸蹄人。裸相自從攬勝牟珠洞。乃知人物與今同一
樣。峭壁劃然開。中有小九垓。山僧秉炬導我入。千變萬

怪何奇哉。訝如門啓扉。蠹如柱立礎。方如棋罨圓。如鼓
蹲如狡。猊伏如虎。又有釋迦古佛觀世音。手掣香象調
鸚鵡。都是胚胎石。渾成畫所不到。况椎斧。謂是人雕鑿。
世間安得愚公與楊焉。謂是化工肖物像。物像在後。此
在盤古先。始知龍漢劫前舊。人物水火風輪相蕩。汨一
齊鎔入鈞陶中。有不化者。剩石骨海桑陵谷變遷俱已
盡。偶然留此迹。不沒龍髯軒鼎追。蠡鐘詎足相提較。歲
月儒生拘墟守。尺寸動云六合以外存。弗論豈識洪荒
橐籥有泄處。仍在人間堪體認。由來一个陰陽爐。十二
萬年前後同。此模饒他劫。劫塵塵千百變。不能另樣畫。

葫蘆

上人同蓉溪芷堂遊獅子林題壁兼寄園主同年黃雲

衢侍御

維摩丈室走終日。長房縮地稱仙術。人間乃有獅子林。
一畝中藏百里濶。取勢在曲不在直。命意在空不在實。
選盡湖黿皺瘦透。幻出奇峯排一二。大或朱劬綱上餘。
小或米顛袖中山。躩踞如見奇獸蹲。痠瘦似逢老人此。
嵌空都作骷髏竅。孤特欲撐散卓筆。一簣猶嫌佔地多。
寸土不留惟立骨。山蹊一綫更紆迴。九曲珠穿蟻行隙。
入坎途愁墨穴深。出幽磴怯鈎梯窄。上方人語下弗聞。

東面客來西未覲。有時相對手可援。急起追之幾重隔。
箭筈門狹棧閣危。縮本摹成僅尋尺。遂令陶輪手掌地。
折盡前齒後齒屐。想見匠心結撰勞。起稿或經四五易。
人巧奪到天工處。能使鬼神亦護惜。數百年來幾陵谷。
此獨堅完縫不裂。萬石融成一片青。寸松長到千尋碧。
倪迂當日慮崩頽。作圖欲傳不朽迹。豈知園更比圖永。
宛委常含一區宅。我同勝侶來登臨。橫側看奇日將夕。
踏花幸有僮引途。掃徑惜無主欸客。如此溪山不在家。
主人。大少烟霞癖。

讀陸放翁詩題後

晴霞散綺光滿空。萬馬蹴陣聲隆隆。狼籍心花怒猶熱。
吹入燭燄成長虹。南渡全忘復讐事。畱作先生不平氣。
况兼才思十倍雄。萬斛原泉不擇地。好景當前人弗見。
觸目輒歸剪裁麗。直罄造物無盡藏。不許天公稍自秘。
人言翁詩太求工。先得佳句後訖功。欲與千秋鬪顏色。
寧免略傅胭脂紅。要其艷質本獨絕。修飾乃益妍無窮。
不然無鹽滿面粉。豈遂可列施媼中。晚年藻采更悉擯。
淡掃蛾眉使人認。老婆舌頭老嫗頤。拾來都與名理印。
試讀渭南以後詩。八九十歲猶精進。乃知耄學益勤劬。
老境逾甘啖蔗如。慚余五十編詩日。纔是先生存稿初。

橫塘曲

畫就蛾眉上酒船。酒船泊傍綠秧田。田間耕婦船中女。
相對橫塘古渡邊。倚舷人映晴波滌。歌扇裁紈衫製縠。
虬髯大賈催纏頭。鈿合成雙錦盈束。田婦從旁黯自傷。
可憐赤腳踏泥漿。朝行秧馬宵呼犢。不抵清歌侑一觴。
有客清吟落花片。勸渠且勿心生羨。田家荆布首如蓬。
形容雖愧紅粧面。紅粧伴客酒杯前。此景也羞田婦見。
但免身為濁水泥。省被人呼倚門賤。聽我橫塘一曲歌。
田家本質亦修蛾。若甘賣笑將人媚。未必輸他所獲多。

長夏曝書有作

嗜書空如嗜噉蔗。書不在腹乃在架。黃梅過後日如火。
晒向中庭課長夏。高函大帙充棟隆。多少精血藏此中。
當其志欲爭不朽。誰肯留拙不見工。如何遙遙千載內。
傳者但有數十公。其餘姓氏漸莫舉。魚鼈滅沒洪濤風。
由來茲事非倖致。邠鄗敢長黃池雄。文人例有一編稿。
鏗棗斂梨紛不了。若使都傳在世間。塞破乾坤尙嫌小。
少年下筆偶得意。輒思橫壓古人倒。古人拍手青雲端。
大笑班門枉弄巧。關張之勇施嬌妍。何處許人學起草。
到此方知願莫酬。摩挲插架轉悠悠。却憐齒豁頭童日。
還托雕蟲一卷留。

老柳一株腹裂二丈許而枝葉特茂詩以張之

郵南老柳老空腹。枵然大可容百斛。當胸一劈誰毒手。
慘裂似剝孕婦育。是宜憔悴日就枯。胡乃叅天十丈綠。
臨風尙學織腰舞。過雨還矜鬢髮沐。恰如老婦得士夫。
傅粉衰顏善粧束。使我摩挲增太息。憐爾外強中已蹙。
有客從旁代解嘲。此論得毋眼猶肉。五官缺一神乃全。
物理由來有盈縮。臂折或拜三公榮。齒落翻享百歲福。
此柳徐舒腹雖裂。恃有頑皮歷涼燠。叔寶正以無心肝。
能向人間耐榮辱。殘軀漫比半死桐。壽相端推不材木。
長條依舊垂麤麤。不許人嗤老而禿。形骸欲朽氣轉雄。
一段備奇狀可掬婆娑合喚支離叟好與先生伴幽獨

謁雲巖公賦呈

去年見公淮陰城。公方底績河隄平。今年謁公浙江驛。
公又專膺捍海責。禮絕朝班爵上公。勤勞亦復少人同。
南征北討西平後。又奏河清海晏功。兩間落落數大事。
盡出一手經營中。感公念舊迎倒屣。問我家居近何以。
腐儒前身是蠹魚。寢食不離文字裏。自知學海尙迷津。
妄想名垂著述身。當公百戰戰強敵。我亦百戰戰古人。
堪笑毛錐不自量。遂欲與公爭千春。公遇狂生亦磅礴。
肯出奇篇倒行橐。虹光燭天霞滿空。掩盡熒熒萬火燿。

區才言金
公乎幸勿再佔此畱與腐儒稍立腳

散花曲

空中捉花究何有。老來好色惟在口。偶然闌入烟花場。肯避風流作迂叟。就中聲價推珠娘。一笑千金擅名久。知是詩人杜牧來。不惜紅顏娛白首。滿屋明燈照綺筵。風光如夢夜如年。冰絲調曲彈銀甲。羅帕求詩代錦箋。背燭暗將眉語遞。分杯更把口脂傳。美人能有名心在。標格先高錦瑟篇。推上牙牀誰惡友。欲試阿難禪。定否豈知嚼蠟抵橫陳。往日劉伶已止酒。完壁還君繫臂紗。髻絲禪榻感年華。一場璫管靈山會。幸負天仙爲散花。

白鬚

無鬚與有鬚。人生一界限。鬚黑到鬚白。又是一關鍵。先生從不把鏡照。自覺心情尙年少。友朋諛我方精強。妻孥慰我未耄耄。一朝偶對菱花看。不謂竟作如此貌。昔從衆黑中見白。今從衆白中見黑。雖有數莖尙帶蒼。恐亦難堅後凋色。欲學拔都染。先愁塗抹作鬼臉。欲效子由拔擢髮。難數不勝殺。不如且聽他留伴。兩髻華塵談助。霏清玉屑牙慧增。吐艷雪花掀來色。映白題舞撚斷。詩推白戰家。旣已白之謂白矣。何必元之又元。耶羅幃縱嫌陸展面滅燭。以後看不見團扇。或畫放翁狀可少。

幾縷銀絲颺清晨引鏡重自看姑妄言之作笑端倘然
出山作相去省服地黃蘆葍丸

蓑衣仙歌

蓑衣仙既非旨雨叱烏犍又非釣雪寒江邊脫屣妻孥
住道院甍甍茸草披兩肩出身曾作權門吏遣往東南
禱神庇途遇主人對簿來三木囊頭杻擊臂囑傳口語
語夫人東窗事犯應難避歸來新殯已在門乃知所遇
正其魂喟然太息輪迴理世間冥報非空言遂脫押衙
靴笏去蓑衣一領冬夏溫噫嘻乎權奸當朝快誅戮那
顧阿鼻有地獄方謂陰司亦勢利生有餘威死餘福地
下橫財尙鑄爐情面閻羅不難熟所以當時格天闕垂
死猶傾數十族若無斯人親眼觀曷使世上奸膽寒畫
師數典有深意莫作江湖逸客看

大雪戲作

蒼天高高地廓廓誰能力使兩相拍合成一个大冰壺
只有冬來雪花落雪花今日何其粗當空似被神鞭驅
凝寒所成固其理何以片片六出俱倘須一一雕鏤出
化工雖捷亦大愚初疑瓊屑糝徑厚旋訝玉蘂回枝枯
老梅亦復難自別香來始覺與衆殊同雲漠漠米家派
都將淡墨淡粉畫雲耶雪耶混一團莫辨覆盆仰盃卦

想見洪荒未闢時。雞卵中間涵沆瀣。天公毋乃太作戲。富貴驕人銀世界。老夫無物可鬪奇。白鬚相映發光怪。

陳灣山下大銀杏樹歌

水有長鯨陸有象。物產每多破格樣。陳灣山下一銀杏。大數十圍長百丈。霜侵雪蝕老不死。拳攫空中勢張王。不知何年托根牢。近或唐宋遠六朝。生於平地不自量。其意欲與山爭高。團團廣蔭更數畝。綠棚遮徧千僧寮。皮皴甘作鐵石魄。竅古翻似洞壑枵。探卵無驚鳥夢穩。吸露易飽蟬鳴驕。樹中此亦巨無霸。俯視萬木皆兒曹。

或因僻在荒寒郊。倘更長養千百歲。天公亦恐觸脊腰。我來正值秋聲雪。雄猛神威使人怯。戰罷西風葉落黃。有如老將脫金甲。夜半猶聞吼作濤。倒捲太湖樹頭壓。

語必驚人老杜一生秘訣被雲巖看破故無一語落平救

西巖齋頭自鳴鐘分體得七古

化工豈許人捉摸。忽被巧匠偷秘鑰。宛委中含十二時。添得嘉名列編簿。形非九乳九耳垂。製豈雙夔雙螭攫。但覺莊嚴小佛龕。琢玉鏤金燦輪郭。云有靈機能發響。驀如冶金奮騰躍。按候恰與晷景符。昕夕告期了不錯。得非雞人坐其下。司旦司昏手奏樂。豈知絕不假人爲。

自有噲咄出寂寞寶刀刺尙愁無聲寸莛撞或慮不答
茲獨繁音起腹中似輓轡轉飢腸涸一條金線縮鐵臬
鉏齧痕邊度咋嶠寂靜微聞食葉蠶盤旋默作循條夔
忽然觸動蕤賓鐵突出刀槍鳴歎薄內有金聲外針影
聲影相隨若素約捷於緹室氣飛灰驗比鈴閣神撼索
何須景陽催曉粧豈但楓橋驚夜泊直從一寸關鍵中
地紐天根貫脉絡笑他僧寺百八聲考擊硜硜謹踐諾
神哉技乃至乎此問是西洋鬼工作其初攜從利瑪竇
今遍豪門炫樓閣刻漏法本自中土軒帝姬公幾荒度
後來摹仿制益精渴烏吸水滴涓勺金銅仙人金胥徒
四十八箭遞插脚遠公蓮葉又意造燕肅荷茄亦手跡
倩女捧牌按時登神將持杵應候搏此皆震旦千載傳
海外何由窺橐籥乃知到處有異人聰明各把混沌鑿
先生何處購求得位置高齋映筆格趨朝曾記景過塼
退直或至更平聲起柝卽今歸田輟待漏猶惜分陰肯拋
却投籤常恐就睡酣擊鉢不怕催詩惡有時放筆吐偉
詞鞞鞞能令四座愕此鐘便是程書石想見績學綜浩
博腕力健扛百斛鼎腹笥富逾千石鑊可許我來叩春
容蒲牢一聲震寥廓

工力完足保泰

西巖招同沈旣堂王夢樓兩前輩讌集旣堂以髻

癡不能坐長跪終席戲用西巖語作詩奉粲

不以膝行以膝坐雙趺例爲先生破旁人不知譽無膚
只道先生謙太過先生生平骨嶙峋但有強項無曲身
將軍幕下長揖處尺八腿鑄鐵作筋胡爲歸田少拘束
足恭翻作鞠脰人謂逢壯士按劍怒座中若个帶欄具
謂向老人進履恭我輩誰是圯上公主人解嘲言語妙
金搭繡襦論果報童年鈍或跪讀書君乃一日十行俱
闢政嚴或跪請答君家伉儷無獅吼官卑不免跪路岐
君由翰林擁旌麾此膝從來未被辱故應罰支軟脚局
教他略嘗跪跽苦始信人間有委曲

風趣橫生辨才無碍杖

西巖治具全用素食以夢樓持齋故也作素食歌

並共笑見示亦作一首答之并調夢樓

古人齋食但忌葷所謂葷者乃五辛後人誤以指腥血
葱薤羊豕遂不分玉莽素食禱秋熟元后手詔催食肉
是知素與肉相對西漢以來已成俗更從佛教戒殺生
蕭老公乃麪爲牲自此世間佞佛子必以素食表至誠
豈知素也可爲絢又增一番烹飪精夢樓持齋老不怠
西巖饗之去剗宰我非禪鑽亦伴食正嫌主不燒豬待
似淵明入蓮社中頗以無酒暗生悔豈期下箸倍覺珍
不數豹胎猩脣香菌自南蘑菇北菘必秋後筍未春

有時故彷彿魚樣質不相混色亂真問誰作此太狡獪
 素食想倩素手人豆粥韭菘洩秘法昔人曾把庖丁殺
 蕭賓賓肯帶庖來此事殊較季倫達是日即用獨思澹泊
 本明志咬斷菜根齒纔礪茹素若又鬪新奇何不仍來
 決大背向來只道肉食鄙肉食恐無此繁費八百里駁
 一割嘗豪氣翻借素風試名實不稱殊反常寒儉幻出
 繁華場有如寡婦雖不嫁偏從淡雅矜素粧衣裁縞袂
 曉雪色佩綴白璧夜月光遊行梅花李花下自謂守節
 追共姜吾知其心未必淨招之仍可入洞房滿堂聞言
 笑噴飯街鼓統如夜將半老饕捫腹亦彭亨登車不覺
 腰帶斷

贈三元錢湘舲

己亥解元辛丑會元狀元

三千年桃十丈藕世間奇事乃竟有滿街爭擁看三元
 三元肯來訪衰朽秀才頭上三重關何限英雄老此間
 禹門登或浪打去神山到又風引還至於名冠多士上
 尤是人生所不想偶然得一已足誇何況連壓黃金榜
 歐文忠王文恪兩元已在握臚唱聲中又飄落君獨連
 擲得梟若蒲博國手棋無第二着毋乃真天仙身騎白
 鳳凌雲烟三垣九闕攔不住直到玉皇香案前我聞奪
 標紫宸殿榮過將軍奏凱宴却嗤三箭定天山猶只了

却一場戰古來惟有蘇定方手平三國皆擒王直至前
 明張英國三征南交渠必得君也一書生遂與二公先
 後相抗衡設令國家更有別科目不知又領幾次雁
 塔名噫嘻乎讀書孰不望傳世千氣萬力尙難覬羨君
 占盡科名榮一日聲華滿天地從此不愁不千秋祇須
 建。堅。堪。相。伴。累。朝。如。君。十。一。个。唐張又新崔元翰宋孫何王曾宋庠楊真王巖叟馮京金孟宗獻元
 王宗哲明高幹事蹟半在青史留贈君一篇三元考更期進步百
 尺竿上頭時以所著三元考一篇奉贈

大風從丹徒口出江至瓜洲

風向西行水東注風水相薄乃發怒初疑風在水面掠
 旋驚風入水底吐去聲大聲吼作百里雷碎沫濺成半空
 霧捲翻我頂亂雪堆倒豎匡廬急瀑布湧來突過逆上
 魚蹴起打落高飛鷺一波未平又一波水皆壁立直不
 仆江神似妬金山名幻出銀山與相爭想當肩鼉蓄力
 處徵集百靈供使命豈惟封姨肯助勢陽侯冰夷齊赴
 盟激濤巧趨子胥憤迴瀾弗顧河伯驚羽檄飛催鼉令
 騎符書速召龍伯兵洞庭君分犀兕甲櫻舍人借鷺鶴
 營作使水族各賈勇推潮排浪高于城鰕鬚蠹杆前導
 引蟹螯執鉞旁橫行負山巨鼇厚軸撼吸川長鯨洪鐘
 鳴磨牙鱷將饜所欲暴腮鯉且洩不平下至白小

寸亦復跳躍學怪精。遂使澄江一疋練。掀天盪日爲鏗。
鐳。我來正值滿江閔。萬斛龍驤莫敢動。篙師欲試十幅
蒲。拚我老命作戲弄。剪江一霎三十里。奔馬脫銜不可
控。鐸語斷渡。悔不遵墨色。覆舟恐竟中乘危。幾愁軀骨
捐出險。又覺心膽縱。擬借青天作紙張。寫出奇觀豁
囊。

未堂西巖松坪旣堂悔菴杜村招陪松崖漕使蘸

集九峯園并爲湖舫之遊作歌

半年不上游湖艇。爲怕出城見荒景。四月麥熟已食新。
適遇佳招吾可領。巡漕使者將還京。此間地主皆多情。
九峯園中大設宴。招陪折簡到老僮。九峯中有一品石。
八十一竅透寒碧。傳是米顛昔所遺。其餘八峯亦奇闢。
綺寮祇室交掩映。最玲瓏處集裙屐。烹鮮斫鱠炊雕胡。
主人稱觴客避席。酒闌乘醉泛淥洄。去採芍藥開未開。
東風一夜萬花發。到此始嘆天公才是日。輕陰半寒暖。
滿湖珠翠紛往回。水學眉顰綠微皺。山分髻色青濃堆。
似爲游人助清悅。襟塵一掃何快哉。嗚呼此會不易得。
勝地名流兩相敵。蘭亭修稷羨陂遊。俯仰人間幾今昔。
江山常新人易老。樂事轉眼卽陳迹。河沙題詩記登歷。
一爲歌行歌主客。

汪劍潭自汴歸見示汴中古蹟詩戲和博浪沙一

首

道旁一擊若竟中。劉項紛紛俱不用。豈惟滸池壁。未來
遂覺倉海椎。輕動才日大。索羅網張。兩人飄然終遠颺。
此段屈伸變化處。已養荆卿秦舞陽。一試不效身再出。
子房終把嬴秦蹶。獨怪持椎狙伺人。勇于猛兇俊于鶻。
何以羣雄虎鬪時。不復起事豎突兀。將毋此亦大英雄。
識幾甘避沛。大風神龍見首不見尾。去作海外虬髯公。

題春閨睡起圖

意外一聲秦吉了。落花驚破香魂小。夢回何處續餘歡。
倦坐無言繡幃悄。小鬟多事漫相猜。鏡下瓦占翻聒擾。
夢中所歷只自知。說與旁人那得曉。

醉時歌贈春農同年

春農先生我老友。武庫胸中無不有。貫穿經史羅百家。
碑勝文章推巨手。江北江南四十年。乞文車馬滿門前。
其門如市文如水。不擇地湧萬斛泉。昌黎諛墓金無數。
皇甫酬碑絹論千。腰纏壓得鶴背重。坐令不得飛上天。
有官不補主壇坫。龍門聲望青雲巔。一年一年風氣變。
米價日高文日賤。貞珉讚頌錦屏詞。昔是嫁衣今棄扇。
黃紙豈屑寫表送。織罽漸稀修費見。生平手積萬卷書。

飢來一字不堪嚙噫嘻乎百足之蟲一足獸各自得食
不偏瘦人間只有賣文錢其技雖工計則謬時來紙貴
洛陽城運去窻糊酒家脯明知雞肋已無味老矣肯改
花樣繡昨見高門去請醫或有誌銘來相救

題周昉背面美人圖

髻縮烏雲斜不整一片銷魂綠髻影亭亭背立碧欄杆
不見蛾眉見螭領毋乃避人含嬌羞復似向隅抱悲哽
當筵平視無所施穴隙旁窺亦難省前身豈是韓淮陰
相君背已非噲等干呼萬喚頭不回令人想殺姿容靚
崔徽自寫卷中人毫釐惟恐差笑顰延壽索錢雖不遂

未敢竟遺眼鼻唇何哉此圖含毫邈不着色相妙寫真
既無琵琶半遮面又非羃離全罩身取意乃取返照景
瞻之在後美絕倫昉也貌肥夙所擅并不貌肥意太新
得非其人本不美別構阿堵爲傳神君不見李夫人病
態恐使君王見君王臨問下羅幃轉向牀陰不露面又
不見李晉王一目眇兮微似線命工爲作習射圖眼光
側注雕翎箭大都疵類好掩藏圖中人必貌不揚只因
寢陋怕人看翻以護短巧見長真容安知非鹽媼遺照
轉共疑施媯此正畫師狡獪處騙盡人間浪子腸

兩臂風痺復發自春及秋療治不效殆將痼疾矣

我不能挽強弓挺長戟奮臂軍前立勲績尚思左持螯
右揮毫掉臂林下遊逍遙胡爲風痺欺我老患起肘腋
費攻討昔年發幸痊今年纏不可酸疑醞醋淬痛甚頑
石擣屈伸僅餘腕可運轉旋難與項俱拘有衣不能披
如兒待人褌背癢不能搔想殺麻姑爪曲肱尋樂翻苦
辛張拱作禮欠端好有時敲以女手卷耐打李陽毒不
飽會聞足中有鬼多迤邐詎知手亦有鬼相掣牽幸而
罷官兩肘已無用不然斗大金印如何懸醫經急尋繹
灼艾煎膏俱不惜傳藥少驗方攻火又下策徒成豫讓
漆身癩莫償田興重體炙或言辟寒須用煖湯浴復汲
井華煮滿斛坐使皴皮垢面一衰醜忝充華清妃子胭
脂肉療治亦已工依然折臂翁由來衰至疾自攻一葉
落可知秋風君不見老樹原非一朝折今歲枯幾條明
歲禿幾節數十年始生意竭從今且學舞支離笑比孤
桐半死時亭亭百尺龍門上老榦特立旁無枝

生趣方橫溢末疾豈能爲累德

贈販書施漢英

我昔初歸有餘俸欲消永口借吟誦汝從何處聞信來
滿載古書壓船重我時有錢欲得書汝時有書欲得錢
一見那愁兩乖角乘我所急高價懸雖然宦橐爲汝罄

插架亦滿一萬編。我今老懶罷書課。囊中錢亦無幾箇。
魏汝猶認收藏家。捆載來時但空坐。

題吳並山中翰青崖放鹿圖

十年騎慣揚州鶴。花月春江殊不惡。豈知雅志深山中。
要與麋鹿遊寂寞。雄文早歲賦鹿鳴。領髭連摘南宮名。
便當八騶開路出。虎幡熊軾雙蜺旌。胡爲掉頭不肯顧。
夢遊天姥同遙情。一幅丹青寫胸次。青崖叱馭瑤光精。
青崖迴在峰六六。中有千年雪色鹿。不掛禁園放免牌。
不隨官府行春轂。只供仙人乘騎用。斯奔足過蒼麟速。
君也馴之如擾龍。籬狗疇雞一例畜。解角齋池礪磔聲。
養茸庭草芊綿綠。有時放入碧雲去。雲深不知在何處。
夕陽西下樹影斜。呦呦仍來屋北宿。自是君身有仙骨。
天與神物件。幽獨塵心已付覆。蕉緣霞想應償踏花躅。
我亦遺榮慕丹邱。欲游汗漫少朋儔。竭來相遇平山下。
把臂不覺意氣投。從此相隨戲壺嶠。君騎白鹿我青牛。

題范瘦生詩卷

寥陽夜半呼捉賊。祕籥元機被人竊。六丁望氣何處尋。
飯顆山頭光燄徹。其中端坐瘦書生。哦詩正作蒼蠅聲。
忽然攝到上方去。天神一見笑且驚。是何寒酸此么麼。
非仙非鬼非妖精。孱羸手無縛雞力。造句乃與千古爭。

兩間靈慧要儲蓄留待陸續新耳目一朝若為汝世盡
後世那更有芳躋速還夢篆使腸枯亟拔生花教筆秃
東方睽睽雞三號一跌直下蒼霄高依然落在飯顆頂
風露冷逼霜顛毛

清明前二日壽菊士招同棕亭再可立堂諸公泛

舟至平山堂卽事

我昔曾訪平山堂已巳歲小舟泛入菰蒲荒到山欲問醉翁

蹟數問古寺支斜陽垂老重來景非昨山色增濃水痕
擴紅橋南北渺風漪處處名園互鈎絡一株楊柳一株
桃五步樓臺十步閣水學杭湖裏外分山疑蜀崦東西

各好花得地態倍妍時鳥占林聲更樂舟行如駕羊車
游到處竹鹽畱住脚畫稿從誰粉本翻匠心直運月斧

斲平山堂子更鬱蒼紺宇琳宮八寥廓故物惟存榜頭

字平山堂三字隸書尙歐陽公款其餘皆出新黝堊一勺清冷第五泉粧成

千層好巖壑信哉繁麗推維揚肯讓他邦誇繡錯為問
締構起何時庚午年問始荒度自後踵事益增華一度
翻新一丹蘄荒疇開出波濤泐平地壘成峯岬嶠古松
十圍桐百尺帶土栽來葉不落移山欲笑愚公愚陷河
幾同惡子惡到此始信錢神力直把混沌重開鑿坐中
有客唐子西偏嫌脂粉非天姿再可持論如此此論未公吾不取

趣呼酌酒罰滿卮。淡掃蛾眉鬪真艷。古來有幾號國娘。
 縱復天生好顏色。藍縷出見成何儀。我昔踏遍西南徼。
 懸崖絕巘無限奇。求一茅亭不可得。解鞍藉草坐片時。
 又嘗遠浮湖湘水。滄波萬頃極渺瀰。苦無村館供小憩。
 聊復暫艤河之湄。豈如此間景攢簇。臨水有軒倚山屋。
 迴環不出十里間。盡日探幽探不足。百萬金錢粧點成。
 始供我輩來遊矚。猶復雌黃議其後。毋乃處福不知福。

姪廷賢校字

甌北詩鈔七言古四

陽湖趙翼雲崧

萬安橋畔有夏將軍廟。卽傳奇所稱入海投文之

醉隸夏得海也。事見明史蔡錫傳中。戲書其事

於壁

堂上方呼下得海。小吏應聲某斯在。遂令賫檄赴海投
 官已簽名。不可改歸來。先學鯨吸川。一口直欲乾。渤海
 黑風任墮毒龍國。白浪何須水犀鎧。正潮來處企脚眠。
 蹶出劉唐尺八腿。是人非人鬼非鬼。巡洋夜叉兒而駭。
 急白鱗堂廣利王。有个糟脉可作醢。豈知明神助利涉。

特作報章答守宰乘酒而出得醋還酉月廿一址堪壘
遂成鼉梁亘萬丈雄跨鮫浦屹千載蔡公祠旁嚴像設
易換頭銜發光彩生為賤隸死將軍香火至今雲霧
始知從古成名入總出癡獸氣不餒

戲本所演八仙不知起於何時按王氏續文獻通
考及胡氏筆叢俱有辨論則前明已有之蓋演
自元時也沙溪旅館有繪圖成軸而題詩於上

者詞不雅馴因改書數語於後
何人學作王老志劾召鬼神示遊戲把他多少古仙人
亂點鴛鴦集冠帽韓湘張果呂洞賓此外載籍無其人

由來化城本荒幻何必捫籥求其真天下都散漢竟作
時代看鐵拐無姓李或言劉跛子趙家外戚傳不聞曹
侑能修煉藍衫老采和丈夫忽變為嬌娥又况何姑愛
酬答偏與羣真坐聯榻仙家想是無凡心不妨男女相
混雜舞衣今作畫圖傳此輩猶為有漏禪少年狡獪非
我事舉手自拍洪崖肩

井外啖荔戲書

昔啖荔支在南粵食不知味為忙碌老來忽作閩南遊
天補此翁饒口福端陽纔過初嘗新酸澁猶教舌本縮
一日一變到圓滿百顆堆盤紅菽菽甘夫人臥絳紗中

一。擘。驚。看。白。如。玉。豐。腴。應。笑。只。識。酥。鮮。潔。兼。令。不。思。肉。
就。中。一。種。更。尤。物。核。小。而。尖。誰。結。束。魴。魚。無。刺。蟹。無。甲。
快。事。乃。在。佳。果。熟。乳。軟。不。煩。齧。齧。勞。蜜。甜。兼。徹。中。邊。復。
托。根。豈。植。沒。骨。山。結。實。偏。徬。虛。心。竹。始。信。人。間。有。絕。品。
柳。酒。蔗。漿。總。凡。木。楊。梅。幸。出。半。月。前。不。與。同。時。入。市。鬻。
趙。家。姊。妹。將。入。宮。婕。妤。好。早。避。長。門。宿。龍。眼。在。旁。也。狡。黠。
故。緩。登。場。暫。退。伏。玉。環。去。後。無。美。人。如。仙。媛。亦。伴。幽。獨。
只。有。李。桃。不。自。量。正。用。此。時。綻。如。鵝。自。恃。猶。思。邢。尹。爭。
相。形。已。覺。輿。臺。辱。老。夫。日。翻。君。謨。譜。品。題。直。到。江。家。綠。
彈。圓。箏。櫛。次。第。嘗。擬。徬。前。賢。增。手。錄。人。情。最。愛。側。生。兒。
忽。引。鄉。思。頓。撥。觸。

同安道中遇雨

尋山阮孚自蠟屐因人作遊本非策我行夜過漳南道
邪許人多虎無迹一燈遠店紅有光千樹深林黑無隙
曉色夜色兩相迸此段清暉最可惜不知是烟還是海
但覺茫茫一片白少焉口氣蒸霧來熱逼鬚眉不可隔
方延朝爽興舉帷已炙午歎衣透浴風聲雨聲山欲坼
水帶泥流滿溝赤直疑中有蛟龍鬪湧出空山血盈尺
是時老夫心膽裂本欲快遊翻受嚇惹他旁觀笑何苦
乖老翻爲瘴鄉客

漳州木棉菴懷古

快事千秋一拉脅。我爲天下殺此賊。木棉花底血流紅。
血紅花紅共一色。憶昔平章正少年。夜遊燈火滿湖邊。
門高戚里連宮掖。朝倚長城奠海堦。勳名蓋世誇援鄂。
暗許金縉有成約。歸去翻矜却敵功。福華一部書韜略。
正當北國造基忙。留得南朝處堂樂。是時黃閣倚天開。
葛嶺初賜改舊臺。五日都堂班絕席。百僚文案稟鈞裁。
買田供饋邊軍費。增餼牢籠太學才。多寶閣成晨躡屐。
半閤堂靜夜傳杯。威行玉帶重泉取。權劾金輿大祀回。
以去要君天子拜。暫歸葬母太皇催。甘載湖山紛綺繡。
不堪砲打襄陽透。圍城久絕虬蟬援。相府方酣蟋蟀鬪。
事急倉皇再出師。橫江戰敗難遮覆。潰兵旗亂喚誰磨。
逃將舟迴呼不救。昔人曾恥言和議。謂是偷安無志氣。
到此翻思秦會之。乞和未必非長計。早知諾責召鄰兵。
悔不盟書輸歲幣。有詔師臣誤國謀。山陰小吏正懷讐。
願充押伴炎方去。狹路相逢南劍州。捧詔來呼賈團練。
巾車去蓋無呵殿。杭歌嘲客夾途多。閩檄逐人傳帖徧。
已問吳潛何故來。况堪葉李重相見。當年意氣壓公卿。
今日仰看丞尉面。黯黮江清不肯投。猶恃國恩延一線。
漳寺喬柯蔭碧穹。老拳於此逞英雄。雖輸王著揮椎早。

已勝施全刺刃空笑指木棉花樹下破銅山賊有奇功
可憐此樹無端辱長使遊人訪遺躅一樣投荒故相來
累儂不作萊公竹著花亦將呼醜枝息陰或更比惡木
風聲夜半似號冤老樹精啼非鬼哭

諸羅城歌

上以諸羅士民力守孤城特改縣名嘉義以示獎勵今仍舊名者守城時尚未改名也

諸羅城萬賊攻士民堅守齊効忠邑小無城只籬落衆
志相結成垣墉浸尋百日賊益証環數十里屯蟻蜂援
師三番不得進山頭連夕惟傳烽是時矛戟脩羅宮陣
為天魔車呂公賊用枋車來攻為砲擊碎吼聲轟雷震遙岳噓氣滄霧
迷高穹孤軍力支重圍中草根樹皮枯腸充翹飛鳥雀

不敢下恐被羅取為朝饗裹瘡忍餓猶折衝壯膽寧煩
窰翁翁百步以外不遙拒待其十步方交鋒一砲打成
血衝衝尺腿寸臂飛滿空戈頭日落更夜戰萬枝炬火
連天紅何當范羌拔耿恭赴援艦已排黃龍會有長風
起西北揚帆直達滄溟東

颶風歌

昔聞海風颶最大我今遇之驚門解誰將噫氣閉土囊
一噴咽喉不可搯齶齶萬鼓排陣來羣木盡作低頭拜
鬱怒似有塊磊填憤盈直覺虛空隘鬼魔掀動天擺摩
虎豹吼裂山破壞立脚雖穩尙愁倒對面相呼只如贖

可憐鸛鵲亦不飛。恐被狂出青天外。是時習流千戰懼。
眼望赤嵌不得到。湧浪上薄浮空雲。濺沫橫轟發機礮。
盡排鷁首椽杙牢。猶自終宵驚簸掉。風名颶母應雌風。
胡爲更比雄風雄。想從少女封姨後。老作陰怪多神通。
多神通。何不吹轉颿向東。不然竟刮海水竭。平步可達
扶桑紅。吾當綠章上箋奏。俾爾配食天妃宮。

贈李我洲孝廉

交誼從來在生死。世間乃有真義士。贊皇出築籌邊樓。
中有叅謀同姓李。丰裁峭不受人憐。議論平能令公喜。
一朝劇賊起隴東。殺吏攻城捷若風。書生袴褶催上馬。

馬蹄血滑頭顱紅。前鋒戰敗蜂豺集。一日羽書三告急。

空城孤守無一兵。賊來便可攀堞入。此時守臣惟一死。
散遣賓朋盡雨泣。不會食祿爾何人。乃願同膏寶刀溢。
肉將尸隄林下填。魂已鬼門關畔立。問道援師會天幸。
倘緩須臾必無及。旋收殘旅哀散亡。再選新鋒嚴伍什。
整軍重卜梟鳴牙。蹴賊漸看豕入苙。

詔按封疆失律誅。檻車連夜趣追符。矢石已教同死地。
髡鉗那更伴危途。夕陽亭下人揮涕。慷慨從行更高誼。
一諾甘償國士知。千金笑却通侯幣。生須審武橐。隨隨
死要劉潛收骨瘞。或傳槃水將加誅。或揣圓扉但頌繫。

消息還憑郭解探。艱危屢出陳平計。緩死爰書下。

九閭更從請室慰。生存論詩消遣纒。臣寂降氣周旋獄。
吏尊早入鈴。柳喧未歇夜。占貫索澹無痕。春來秋去臆。
前草曉謁宵還陌。上輪直待賜環方告別。已經四百五。
晨昏義聲從此流。傳遍多少公卿求。一見我亦聞名想。
下風只疑髮髻虬。鬚面急裝足。裹豪豬鞮奇服。腰懸鹿。
盧劍。豈知今日一班荆弱不勝衣。太瘦生。傾座清言罪。
不盡分題險韻鬪。先成衣綰蘊藉無凡格。花月留連有。
勝情。妾解吟詩奴識字。荻簾氣味一家清。翻怪孱軀耐。
驚恐。山來實必有勇。才工大禮賦。爭傳名到土邦門。
愈重始信人問節。俠流原須出自風雅種。

軍中擒獲逆首林爽文檻送過泉紀事

木籠裝囚語啾唧。兵衛簇成片雲黑。不須露布曳長縑。
夾道爭看海東賊。海東賊本一細民。豈讀兵書習部勒。
半夜無端嘯挺戈。殺吏攻城血流赤。是時鼎沸雖披猖。
猝起猶堪滅朝食。後先航海諸宿將。持重養威示不測。
隔海調兵動幾旬。兵添一萬賊添億。孤城遂困重圍中。
糠粃俱空煮履革。倘非。

廟算決大舉。絕島妖氛幾時熄。卽今就縛入檻車。不過。
圈牢一豚膾。若論經歲軍費。費千兩黃金。一兩骨。

戲筆

一卵課一雞。疋絹八百梨。驅驢索輔脊。送騾嫌跛蹄。見客吐瓜皮。取啖不嫌泥。東門受羊賣。向西馬豆作粥噏。其妻銖積而寸累。管鑰手自稽。一朝委骨青山蹊。荒墳無人鳥自啼。

臺灣俘囚絡繹檻送內地再作凱歌

海風恬海波闊。帆檣絡繹執俘歸。口目睢眡賊猶活。初疑海外人琵琶之腿碌。礪身齒可嚼鐵碎。手能舒鈎伸誰知。入蒐獮狴狴一羣犬。吳歪頭陳弔眼。爾勇伊何面。徒覲當時若早勤。搜爬咀爾不搖牙。踢爾不用靴。跣爲養成洛姬肚。大於宋公鼓羽檄。經年始就擒。已費廟謨遣龍武。嗚呼一雞何用牛刀割。不是牛刀割不得。朝端應有黑頭公。世上乃無白頭賊。

夜行曲

雞未鳴。月先墮。陰風蕭騷滿天黑。夜迷失道踏坎坷。暗中有鬼不露形。但閃金睛赤如火。老夫獨持正法眼。定光自放青蓮朶。天明但見塚纍纍。斷碣無名草沒髀。

武夷山

生平踏遍天南戒。一隅尙缺甌閩界。武夷欠我遊山緣。我欠武夷作詩債。天風借我便羽翰。雙鳥飛墮來崇安。

正當春水發刺篙可以泝急湍路如螺紋旋一曲一改
觀懸崖奇巘不可狀畫手欲寫愁荆關想當開闢初天
神早有倕扁般各出新意弄狡獪運斤斯斧斲出千巘
岘。幔亭峯更在天際傳是錢鏐曾孫夜宴地仙人亦有
故鄉情招飲山下之人萬千計雲璈朗奏碧月清錦幄
高張彩霞麗當時厨饌太狼籍鳳脯麟脯屬饜到奴隸
笑他後世秩祠官一片乾魚也供祭勝會一散三千年
至今寂寞空雲烟太白廬山謠東坡羅浮篇名山例有
名人傳茲山雖有考亭權歌句儒家氣象不稱上滿八
洞仙老夫偶來過或亦天假緣笑語武夷君倘可與君
兩連翩

李忠定公墓在福州懷安桐口大安山

靖康如用公或免北轅辱建炎如用公或免南渡感敵
退公亦去敵來公已逐徒令後世悲擯棄何補當時計
恢復有宋李忠定有明于忠肅皆當天地翻力欲奠坤
軸一則言不用身存國被蹴一則言見從國存身被戮
若論純臣心豈願全軀國家覆懷安桐口青山麓我過
荒墳淚盈掬生無百日立朝端死有一坏留海曲

樂清北境可入天台歸途不及往遊賦以解嘲

曾讀輿公天台賦赤城霞起艷海表我行永嘉途可通

便擬芒鞋往幽討。前路但問人口說。身雖未經已了了。獨思劉阮誤入時。看花遊客知多少。蕪菁裹飯獨相引。想為兩生顏色好。仙家也復愛少年。自嘆形容已衰老。深恐麻姑爪未搔。駘背先打鞭絲飽。一笑迴車速歸去。任爾落紅紛不掃。

子才書來有桐鄉秀才程拱字少年美才手繪拜袁揖趙哭蔣三圖。蓋子才及余并亡友心餘也。自謂非三人之詩不讀。可謂癖好矣。書此以復

子才并托轉寄程君

唐初詩人各標置。品題乃定旗亭妓。千年佳話復見今。不是女郎是佳士。蓮花如面好風姿。香草題詩艷才思。拜袁揖趙哭蔣君。手繪成圖供去聲清閔衛軍。同日進三公。敬則武夫出不意。老韓合傳縱被嘲。亮瑜並世豈須忌。得君一揖已足。幸敢望五體俱投地。我觀李杜兩大家。吹臺同遊早結契。青蓮落落賦飯顛。少陵惓惓慮魑魅。當時聲望李獨高。後世才名杜寧次。貴不可卿賤乃卿。人心何容設軒輊。獨羨隨園文字交。福比香山白居易。居易名先元九齊。晚更劉郎觴咏繼。遂稱元白及劉白。陽五伴侶隨時異。翁昔買鄰有心餘。近復把我入林臂。前呼袁蔣後袁趙。恰與醉吟同故事。舊遊已記三徑

開新知兼數一樓倚天生詞垣兩後輩似爲此翁助聲
氣程生作繪定可人雅尙所存非漫戲繡絲已肖平原
像聞笛兼下山陽淚三分鼎豈吾所堪一瓣香知渠有
寄座有揖客自增重我亦本非折腰吏

兕觥歸趙歌

觥爲吾宗常熟文毅公劾江陵廷杖出都時許
文穆贈行物上有銘詞所謂文羊一角者也後
流轉於黃端伯陳潛夫章藻功何遜音諸家近
又在曲阜顏衡齋處翁覃溪詹事以告文毅五
世孫者庭者庭將以玉杯易歸而乞覃溪文爲
乘韋先并遍丐諸名士作詩張之以要必得余
故者庭父謹凡先生門下士且羣從行也不可
無詩爰爲作歌

相公父死宜歸哭相公不歸門生促白簡纔上赤棒來
午門前濺書生肉柴車一兩削籍行良友贈之青兕觥
神羊一角理沉黜銘詞親鐫鐵筆鏗羹勺班中一禮器
朋酒絲衣肅賓祭胡爲翻入纍臣裝率彼曠野竄榛翳
緣知餽贖寓意深要寫觸邪力最熯當日權門勢炙手
虎豹當關誰弗避奪情疏忽出延陵削牘繼之亟奮臂
薛孤延與霹靂鬪鬚髮俱焦呼震地拜杖并不噙蝮蛇

家有渾身膽。堪試此段錚錚百鍊剛。伉直豈惟杜蕢。解
 一株犀角。斲成杯。恰肖透骨冰霜厲。是宜什襲逾瓊瑤。
 長與腊齒藏宗祧。何年流轉出人世。主雖屢易器尙牢。
 頗聞魏公傳家笏。近傍顏氏陋巷瓢。神物將歸有先兆。
 邂逅單溪為介紹。初孫凜然念先緒。誓返故物棄家廟。
 已琢玉卮為厚償。復乞椽筆作先導。杖瘡忍痛祖宗烈。
 捲澤興懷子孫孝。此意應蒙航主憐。會見完璧速歸趙。

酬寄生郡博見贈韻

時擬分體重編拙稿寄生代為訂正

力不能千仞鑿山通。功不能九年面壁窮。三錢筆作千
 古想。原是天地一愚公。甌北老生好吟者。墨瀋淋漓快
 奔瀉。作詩不到古人處。正坐貪多難割捨。晚知措撫百
 無成。設版擬築焦瑕城。十七史從何處說。時已秋穫方
 課耕。先生鑿裁擅隻眼。苦心肯為披沙揀。不辭格佞作
 諍友。要証千年鐵門限。編成更贈琳瑯篇。榮逾四明呼
 謫仙。深源幸免高閣束。后山翻托瓣香虔。古人著作不
 容贊。堯典舜典俱點竄。化工著色真妙手。紅霞一染半
 天爛。堆盤火齊光眩眸。千將出匣萬鬼愁。長鯨尾掉碧
 海動。大鵬背負青雲浮。我於其間敢充數。食蓼搬薑祇
 默喻。曉粧顧影枉自妍。未足招他尹邢妬。感君謬許為
 傳人。牝牡驪黃賞有神。用李諧短吾技淺。藏魏公拙君

意真獨慚毫學昧雌蜺。炳燭餘光徒勦說。少年精力不
焚脩垂老方覓燒丹訣。

題洪稚存寒檠永慕圖

慈母機上絲孤兒案上書。併入寒檠影映壁。光黝如此
是景虛舊流寓老屋三間白雲渡。卽今青熒一炷燈。化
作萬丈光芒吐。著書藜照太乙分。博物犀然百怪懼。幕
府銀釭供草檄。鎖廳椽燭待奏賦。此檠好棄牆角邊。偏
寫殘輝誌哀慕。覓火常思束縑時。映窗肯忘燃糠暮。非
是母不生是子始信義。方教有素我來買宅雲溪濱。君
已別移通德門里中。老嫗尙能說君家篝火連朝曦。悔
不早遷依孟母師他家法教兒孫。

題褒忠錄

郝景春江都人明崇禎中爲房縣令時總理熊
文燦撫賊安插羅汝才白貴黑雲祥等於其地
卽所謂曹操小秦王整十萬者也張獻忠反穀
城汝才等應之城遂陷景春及子鳴鸞僕陳宜
俱死揚人輯其事爲此錄

房縣城頭殺氣黑。死聲入鼓鼓皮裂。一片刀光滿地來。
頸血如湯浴鐵熱。臨危殉節豈所難。所難與賊共彈丸。
先是寇氛猶未熾。封疆失計在招安。守臣主動不主撫。

總理合來誰敢阻。可憐小邑萬山中。分插賊營十四五。
 大吏以縣為鄰壑。醜徒視城作外府。卧榻旁偏睡有人。
 窮山坐乃衛以虎。是時勢已養癰成。制客兵須仗主兵。
 間道乞師百不應。獨教一木去支傾。一朝賊魁鄰縣起。
 此地羣兇盡。鼓矢殘黎二百急。登陴分梁當衝半。餒鬼
 陰風一刮立。不牢城頭亂落如。飄蕩亭士并無妾。可烹
 簽兵已嘆民皆死。雉樓月暗燈無光。緣梯萬蟻止女牆。
 賊願得城活君命。君拚捨命隨城亡。嗚呼臣死國子死。
 父僕死主一門忠烈入汗青。碧血斑斑照千古。想見強
 魂作鬼。雖不屑人間。淚如雨。

同年胡豫堂閣學視學江南相見話舊賦呈

三十年前共館閣。薇省花磚履交錯。三十年後重相逢。
 公作名卿我老農。感公不隔同年而尊酒。留髡恣談讌。
 此日雲泥尚弟兄。當年閨閣如親非。在京時兩家內子相往來
今公夫人及令子俱歿
 話舊重添骨肉傷。撫時各歎鬚眉變。鬚眉雖變亦何悲。
 丈夫出世要有為。如公遭際最堪羨。獨以精白結
 主知子公氣力能援進。公於權要不通問。彥昇晚節爭
 詩名公於壇坫不角聲。迴翔散地無營競。十年偏屢持
 文柄似水心懸物。論平無花眼在文。風正九霄月旦品
 題高。一代斗山聲望負。致身至此亦足豪。報國文章功

已炳愧我辭榮太作顛早拋簿領守丹鉛乘軒野鶴知
無分舐掌孤熊祇自憐只慚如此昇平世徒把精神耗
一編

芷塘南回謁我於揚州喜贈

一十五年纔一見見來又隔十年面今朝何幸得相逢
握手却驚顏貌變憶君二十登蓬瀛干將出匣千人驚
蕩節掄才半天下新陰桃李多豪英分得餘光到裴皞
門生門下見門生改官柏臺筆如帚白簡威聲震朝右
瘦羊官乃索肥羊合口椒難禁開口立仗馬鳴雖可怪
樽池鳳噤實所醜君劾司業某索附事人情欲比王拱宸臣力尚慚

朱伯厚呼嵩禮畢乞身歸金爵觚稜莽回首書生命不
到公卿且向吟壇作主盟死後榮名生前福二者未知
孰重輕老夫年來效喑啞白首掩關同調寡舊交已看
零落盡後生又以老耄舍君來頓覺起我衰豈但離懷
得傾寫敢從行輩說後魚先比旌麾有前馬韉材遣向
文湖州雲氣長從孟東野東南詩社自此開一笑人間
誰健者

大柳驛相傳為趙韓王授徒處

館師封王齊博士後有宋相繼前軌大柳驛邊老學究
家塾聚徒擁烏几身為儒乃術不儒奇計居鄭智樗里

火輪小兒未為帝勲名最是入滁偉首塗募得李左車
軍籌敬聽發蹤指滁州城西蘆子乳趣使潛度勿移晷
半夜遂成懸瓠擒膽落金陵東海鯉佐命功高自此基
帷幄叅謀契魚水陳橋變後作首相十年前一村夫子
遇同臥龍岡下奇迹豈抱犢山人詭眷深不諱瓜子金
權重咸知鼎鑄耳半部魯論佐天下猶似不忘兔園紙
書味終淺機心深歷事兩君保終始金滕自明家相緘
桐圭竟擠介弟死嗚呼一代元勲勒太常千秋公論歸
青史磨盤山前訪遺迹門巷已非村落是惟有村童讀
書聲都都平文喧不已

廬山紀遊

廣陵濤接潯陽濤夜夢五老來相招趣辦芒鞋青竹杖
要我去踏廬山高山靈此約意良厚那禁屨及室皇走
遊山不憚千里遙痴興古來亦罕有江西詩派江西人
大都少肉多骨筋廬山亦復犯此病青孱片片摩穹旻
要其靈秀有獨絕雲為海綿瀑天神必逢蘭若始一憇
不是遊山是遊寺四禪林乃各擅奇
瞻雲秀峰 占盡泉聲
萬杉樓賢
與嵐翠右軍墨池僅方塘昭明書臺亦已荒萬杉之杉
不盈百棲賢舍利黯不光寺貧僧亦少粲可蹟湮碑并
無宋唐惟有景光略不改銀河仍挂三石梁礮轟直與

霹靂門鼎沸不許蛟龍藏。五老鬢眉更奇古。昂精所化
頤而長。見我裹糧踐宿諾。似為拱揖相低昂。我來歷遍
諸方丈。移步換形。莫名狀。輿夫十二健。騾九如此遊山。
太豪放。當年李青蓮白香山歐陽蘇。未必有此行色壯。獨愧
前賢寂寞遊。其人已往名長留。未知今日扶筇叟。可有
人傳趙倚樓。

剝皮山

鄱湖旁一山皆積沙。所成不生草木如物之去
皮而無毛者。土人呼為剝皮山。相傳明太祖追
陳友諒至此。友諒忽不見。得逸去。明祖怒山之

鹿好故禿其皮云。語極無稽。然可資笑端也。爰
演為詩。

寸草全無山骨露。皮之不存毛焉附。傳是蒙茸曾鹿好
剝之。出自真主怒。古來殺機深。多有法外刑。冤句春磨
寨。粵漢刀劍林。牽機腸絞李煜斷。夾板腰鋸孫揆擒。剝
皮之法獨未有。阿合馬會橫兩口。明祖用之殺貪吏。剝
皮場開縣門首。後來或踵事。慘毒試亦偶。揎草狀行屍。
蒙鼓誌獲醜。要只誅人不誅山。山豈有皮如虎斑。縱遣
庖丁批窾郤。新斲亦恐奏技艱。胡為譬无膚。今頭寡髮
為破面。鬼無容顏未得麻。姑搔背快翻如那吒。拆肉還

孫臏削來竟夜白。劉邕啖後遍體殷。得非興王威令赫。
五丁六甲齊助薙。草菅文叔渡滹沱。無船冰即凍。婆留
照石鏡。崖壁悚而動。蒙哥征欽察。海涸聽騎縱。皆祇應
運效。一時運過百神未。必奉勝國版圖。今久革嶽鎮寧
猶受屬役。何妨迴枯再生稊。乃竟噬乾豕作腊。幾同巨
靈劈華終古分。不數秦皇赭山至今赤。噫嘻乎齊東野
語原無稽。姑妄言之妄聽之一笑。髡黥不毛地。何時樹
鬢兼藝眉。

題奇詩奇此公故不肯放過夜

浙二子歌贈張仲雅程春廬兩孝廉

搖筆為詩便傳世。傳人將塞遍天地。何以迢迢千百年。
代只數人屈指計。乃知異才不輕出。河嶽英靈有深秘。
老夫生平閱人多。物色常愧一目羅。何期垂白倦延訪。
眼中突見雙巍峩。張郎裾履名卿後。閉戶披吟失昏晝。
工夫手累十二碁。學殖胸包廿八宿。險語不顧鬼膽破。
奇思直穿月脇透。危樞側足都虛綠。猛火焦鬚霹靂門。
程齧金將爛似泥來。嚼鐵且爆如豆摘。驪頰珠寧待睡
探虎穴子不畏吼一聲喝我數日聾。張君枉贈七古一章三昧乞君
半偈授。程郎才大隘九州。萬斛泉不擇地流。銛鋒莫當
徹扎鏃。厚力能負藏壑舟。渥注神馬籥。雲躡奇肱飛車
馭氣遊鯨波。正澄紫碧澗。蜃市忽幻青紅樓。哥舒只持

槍半段栗磳兼使矛兩頭明珠走盤面面到機絲入扣

乙乙抽顧我豈當一揖重對君方欲五體投程君即繪拜袁揖趙吳蔣圖者

文章有神交有道晚年乃見此二妙倒屣遑知論輩行

款門幸不棄老耄譬如衰嫗遇麗娟又似退將逢票姚

歛眉敢復誇塗抹曳足猶思觀鼓噪徧哀我非不妬才

欲與一決爭行枚却恐難堅背水陣不如早築避風臺

乃知歐陽讓頭地正懼相逼先相推一言聊為作嚙矢

天下人才浙二子他年應並坡谷傳此日敢將湜籍比

連日翻閱前人詩戲作效子才體

古來好詩本有數可奈前人都佔去想他怕我生同時

先出世來搶佳句並驅已落第二層突過難尋更高處

恨不劫灰悉燒却讓我獨以一家著有人掩口笑我旁

世間美好無盡藏古人寧遂無餘地代有作者任取將

浣紗女亡出環燕拔山人去生關張真仙不藉舊丹火

神醫自有新藥方能勝大敵始稱勇豈就矮人乃見長

君自不登樓百尺空妬他人在上牀

孫介眉太守招同霖岩丈暨立菴樸齋食鱧魚頭羹戲為作歌

孫公治具擅精巧就中鱧魚羹更好習家故有百畝池

魚出君家鶴蕩網得修鱗侑清醪從來一物有一味一味中又各

分地猩以脣見珍熊因掌斯嗜豪誇紫駝峯官賞爛羊
胃雞蹠矜廚娘牛心啖名士卽以水族論腴馨應候異
蚌推瑤柱鮮鼈取甲裳膩是知一物身肉又別粗細鱠
魚之美乃在頭頭大於身如兜鍪雖不能戴蓬山觸不
周却有雋味凝入活髑髏本非冬烘狀詎有風眩愁負
此殊尤秘不得張腮鼓頰突兩眸似欲出頭地策勳岸
頭侯肯作元談居士縮頸項并非白簡參政鯁咽喉先
生顧而笑其中有奧妙爾旣奮頭願作高敖曹何妨成
爾斷頭將軍號於焉奏車斤藉席藁調以滑甘滲瀧融
芼以辛辣桂薑擣火攻炭選鶉鴿青武煨文煎百沸到
湯老客來薄暮始設食割烹乃自天未曉一盃如缸擎
出堂果然香味先向鼻觀繞豈無水陸諸珍並羅列都
作元白被壓倒老夫不覺攘臂舉饒挾太岳今朝纔一
飽朶頤且快我咬咀碎首那顧他苦惱此魚昨夜游濠
梁定已夢人伏而監其腦

金川門

大本堂摧懿文死應立燕王爲太子以長以賢事皆順
孱孫亦得免刀几乃留弱幹制強枝召亂本由洪武起
臨濠奮跡開草昧豪傑才兼聖賢理目不知書性有書
每就儒生講經史檀弓開卷重立孫春秋特筆譏逆祀

千年成說牢不破。此語燕閒久入耳。遂將神器付太孫。
分國諸王稟同軌。豈知釁卽起。蕭牆臂小何能使。巨指
削籓。方工鼉錯策。搆兵遂蹈張方壘。王師轉戰力不支。
夜半翻城九江李。哀冕燼灰火滿天。縉紳赤族血流水。
可憐十丈金川門。慘過晉家蕩陰里。向使當初改建儲。
叔正青宮姪朱邸。臨淄自能厚本支。臨賀豈遂干倫紀。
何至一家骨肉殘。冢嗣翻成若敖鬼。我來經過吊陳跡。
終覺高皇計失此。處常無事貴守經。銷患未形難據禮。
徒將誤國咎方黃。猶未窮源推禍始。

郡城菊事甚盛與立菴雲驤曉東子蕃緘齋更番

治具爲看花之會流連匝月不可無詩

人生何者是真福。飲酒看花一生足。只愁此願徒虛語。
讓他樂死羲之獨。今年秋稔人豪華。家家買菊堆成霞。
老夫聞之興勃發。招邀同志爲窮奢。看花先不可無酒。
治具更番賭適口。官場珍錯盡不用。惟取活殺飛潛走。
黃雀綿厚耐。呔咀紫蠃甲。堅費剔剖就中尤。數高家有。
綠頭雄鴨九斤九。累人啖到腹。彭亨翻惱厨娘太好手。
有時酒後出看花。相攜闖遍東西家。到門不復煩典謁。
直入赫煞雙鬢鴉。亦有自排花當去聲整徹夜張燈對花。
飲紅燭高燒照靚粧。坐到四更風露冷。間日必一集一。

圖才詩錄
集必竟日那顧酒債增但恐花事畢嗚呼此樂不易得
偶然遇之莫輕擲百年能有幾閒時一鄉能有幾閒客
不見袍鞞踏鼓人陶家籬畔無游跡

至揚州約同人作青魚會會將遍適子才至又更

互設饌迭相招陪今年口福殊勝也戲呈子才

及諸同人

先生今年口福高在家一月飫老饕揚州又作青魚會
招邀素心凡幾輩此魚宜冬不宜夏及冬不食復何待
揚人不識魚味殊饒以只解尋腹腴怪我專以骨敬客
留肉自享主誼無久之始悟美在此近骨者佳頭與尾
遂令此魚價頓昂哄得滿城動食指同儕排日迭傳杯
忙殺籃輿往復回吃到輪番剛欲遍隔江又報故人來
故人來復遞相欵雅集重開續宴衍連朝傳食東西家
自家翻覺厨烟斷噫嘻乎人生真樂惟食色少年已過
不必說久將嚼蠟看橫陳只要殘牙快舖啜如此歡場
動淡旬庶幾不負暮年身斷齏咬菜成何事老去甘爲
飲食人

題錢曙川竹初庵圖

圖名竹初庵宜寫篔簹谷竹萌桃正華乃以桃伴竹寫
出十株百株紅映入三竿兩竿綠作圖時正擁印牀敢

期結願後必償圖成七年竟踐諾歸購娉嬖手荒度青
蚨。落到雅人手。幻出荆關得意作。雖無萬竹千桃花。小
山有。饒池有。行。輞川長卷縮本摹半畝中。迺幾林薄君
才。況擅畫詩書。興到解衣一磅礪。幼輿遂置邱壑裏。身
兼富貴神仙樂。看君出仕看君歸。我亦當年早息機。只
爲買山錢太少。至今未就釣魚磯。羨君園成頭尙黑。不
改圖中好顏色。趁取腰強脚健年。儘消臨水登山力。其
高。或可攀。其年。不可及。

述菴司寇新刻大集見貽展誦之餘爲題長句兼

懷亾友璞函

塞翁失馬何足惜。先生奇遭在削籍。紫微郎剩白衣身。
萬里從戎歷重譯。當日都門送臨賀。分岐誰不悲遷斥。
豈知官秩從此高。詩亦從此窮風騷。滇南三載蜀五載。
踏遍徼外地。不毛路爭鳥道入。穹漢渡尋象跡。翻崩濤
石碣。木柵番落屋。鐵索竹竿蠻江橋。炎鄉三冬輞雷吼。
陰嶺六月陣雪饗。洪荒以來人不到。奇景留待公鑿雕。
吟毫旣得江山助。况值羽書正馳驚。弓刀隊裏一毛錐。
百萬貔貅聽指顧。矛頭米泔咽風餐。盾鼻墨磨揮露布。
一。蹶。人。頭。落。滿。空。千。燈。鬼。火。攔。行。路。裹。屍。之。革。浴。血。刀。
逼。出。才。人。操。命。句。遂。令。椽。筆。鑄。偉。詞。上。掩。白。狼。下。朱。鷺。

卽今奏凱十五年。卿月崇班已屢遷。煌煌大集亦鏤版。
 光照四裔聲摩天。就中突過黃初處。終屬淋漓橫製篇。
 倘非參軍入蠻府。平步公卿享華廡。雄畧雖餘捫蝨談。
 壯心誰激聞雞舞。南山詩不如北征。只爲未經戎馬苦。
 乃知絕域烽烟中。正是玉成大名古。獨憶當年老趙岐。
 與君同出不同歸。挑燈別閱媿隅集。痛絕空山暴骨時。

璞函從軍滇蜀
有媿隅集十卷

舒城題旅店壁

日將沉路難進。溽暑中人頭目暈。布帘飄處旅店招。馱
 鈴騎鞭一齊奮。到來暫喜息勞筋。違計洗塵覓佳醞。炊

烟熏屋墨穴黑。青蠅成團蚊作陣。輿夫騶卒紛肩摩。咄
 咄逼人何太近。汗漿迸出葱蒜汁。其氣臭於牛馬糞。一
 笑閒雲野鶴身。失足無端落藩溷。

汪屏周二尹買菊作花當。招同宣莪士檢討楊恒

夫明府及蓉溪霖岩學晦緘齋諸人。讌集凡八
 十以上者五人。餘皆七十以上。余年六十七。得
 與焉。立庵更小於余。最後至以末座讓之。合座
 十人共七百七十歲。鄉社中盛事也。不可無詩。

汪倫大耋猶躡蹻。菊花排格開長筵。老人愛老邀老伴。
 鬢眉白映紅茸氈。首座宣公八十四。其餘次第差隨肩。

共年七百有七十坐以齒序為後先若教併作一人壽
 已在北宋熙豐前是時滿室明燈燃燈光花光相新鮮
 因聾倍作大聲語有警不得捷鬪拳答溪精聾霖岩
盲而能賭酒嘉肴雜
 陳飯能健晝燭已熄坐尚堅旁入勿怪太矍鑠不爾何
 以能華顛古來安期浮邱輩只在塵世非在天吾曹倘
 傳入圖畫安知後不驚為仙賤子未及古稀歲殷兄張
 丈殊相懸故事叨援洛社例附庸俾得隅坐偏無端蔣
 詡最後至末席不免為之遷累我温公做不得百杯罰
 此惡少年

曉東小巖香遠邀我神仙館午飯至則坐客已滿

再往半山玉流諸館亦然作詩誌慨

歸田二十年市脯未入腹吾友貪養頤誘我作近局云
 有神仙館珍味擅所獨炙蹠武火煎炊餅熱熬熟尤推
 魚頭羹遠追宋嫂躅老饕一念差隨之走坊曲酒肉氣
 熏人未到鼻已觸入門擬大嚼座客乃滿屋縱橫數十
 筵無隙可布褥見我傲不禮噉而睥其目彼既佔地先
 吾敢下令逐王式本不來受此驪駒辱一笑舍之去再
 歷館五六喧擠聲一槩並少席半幅歸來忽長嘆茲乃
 無底谷一館百十人各破牀頭簾館館盡如斯日費錢
 幾斛自非物力豐曷此肴饌驚君不見古來饑荒載篇

國言金
三
臚水擷鳧茨野采藪圍城易子薪析骸屠肆賣妻格懸
肉履拆牛革燂湯臭壁搜鼠穴熏烟毒斯時闔閭景可
知市有醉人已奇福睹茲舖廢糜金錢足見昇平調玉
燭已幸生遭繁盛時惜無力挽奢靡俗

雜書所見

我詩愛人讀好友來激賞對我長吟之快若搔背癢可
惜我讀古人詩古人不見我拊掌乃知相需般相遇偏
多爽九原弔隨會不聞鬼苔響峴碑淚空墮叔子已長
往所以虞仲翔生前每切知已想

偶得一奇聞如獲珠滿斛豈知博學人胸中已爛熟君
不見瑯琊稻十歲兒已腹笥蓄又不見金根車名父之
子猶誤讀乃知太倉一稊海一粟論衡未可矜秘牘
猿豈無樂時鴉亦有喜處只因其聲似哀怒遂使人人
悲且惡君不見潘安仁恬退賦閒居難掩拜路塵又不
見蘇子卿風流娶胡婦寧玷志節貞丈夫自立貴有素
身名成敗非旦暮

羽族色一定千古不改易卵生歲歲增烏黑鵠必白蹄
者則不然父子或各殊犂牛出驛角白牡生驪駒乃知
本乎天者有一定落地便多雜氣勝光音天人不肯食
地肥只爲保他本來淨

物生有限制。傳翼者兩足。蜻蜓乃倍之。翼四足則六。是宜橫四海。瞬息千里速。胡爲欸欸飛。竟不踰牆屋。輕只立釣絲。捷但點波縠。乃知技雖多。早爲器所局。鸞鳩且自捨枋榆。燕雀勿輕慕鴻鶴。

錢鏐照石鏡見已如王侯。遂渡江討逆。雄霸十四州。傳國及數世。英名至今留。吳曦出獵歸。月中有人揖。遂發南面想。叛降覬册立。一旦安丙來。頸血歐刀濕。或謂有先幾。鬼神實導之。而我不謂然。視其所自爲。使鏐乘亂起。閉門作天子。安知杭州城。不作董昌死。使曦效忠勤。聲援淮泗軍。百年忠孝家。茅土豈不分。乃知雖有富貴命。亦須順受得其正。

少時不敢望六十。今我過此願轉賒。乃知切己處。貪癡老愈加。君不見白首種松期。偃息後來未覩干霄色。又不見九十食柑種。其核種成又得十年食。由來修短非人工。莫拋現在期無窮。

王樓村先生十三本梅花書屋圖爲其曾孫少林

賦

十三本梅繞書舍。樓村夢久傳佳話。我昔曾讀初白詩。知是鴻臚禹鼎畫。今遇文孫始見之。三尺素縑色不壞。綠萼六株紅七株。屋後屋前各分界。恍遊雪夜紅羅亭。

不作月明縞衣怪樓村本是梅花仙百花頭已符靈箒
 一十三本是何兆其應當在世澤延松十八公介圭錫
 竹一束策藥榜懸易于賜粒三十六三刀作州興呂虔
 訊之占夢歷有據披圖可悟祥徵先君家故事吾能說
 文采風流自古昔巾箱家學七葉中人人有集光史册
 墨寶况蓄高會書二十七人總名蹟所以瑯琊族望高
 馬糞香過龍涎炙即如此圖失楚弓復有後賢返趙璧
 足知繼起代有人還似烏衣世裾屐嗚呼魏徵
 宅費官錢贖梁公像向武襄鬻幾家故物能長留守器
 今推王氏獨此屋雖遲築室謀小林擬仿圖作屋以實之此梅已協植槐

卜。

麗川中丞奉使過分水舖定山東江南洋面有觀

海詩次韻奉和

混茫無涯絕飛鳥滄溟安有道里表中丞明過分水犀
 齊尾吳頭一日了抽刀斬水水不斷設界洪濤柱自擾
 却從陸地指羅針一線遂達扶桑渺直於鰲背劃龜紋
 墨食痕清不糾繞是時紫澣波不揚決昔雄觀極天杳
 三神山豈遐九雲夢猶少萬里澄鮮盪胸皎老龐一口
 吸西江對公尙覺神通小

早稲田大学図書館

011888007760